




内閣文庫	
番號	漢 11990
冊數	20 (19)
函號	301 19





類經圖翼七卷

經絡 五

足太陽膀胱經穴

合膀胱經穴歌

足太陽經六十三。晴明攢竹曲差參。五處承光
接通天絡却玉枕。天柱邊大杼風門引肺俞。厥
陰心膈肝膽居脾胃。三焦腎俞次大腸小腸膀胱
如中脊白環皆二行。去脊中間二寸許。上膠

張介賓類正

次膠中復下。會陽瀕向尻旁取。還有附分在三
行。二椎三寸半相當。魄戶膏肓與神堂。譙譙膈
關魂門旁。陽綱意舍及胃倉。育門志室連胞育。
秩邊承扶殿門穴。浮郄相隣是委陽。委中再下
合陽去。承筋承山相次長。飛陽附陽達崑崙。僕
參申脉過金門。京骨束骨近通谷。小指外側尋
至陰

睛明

一名淚孔

在目內眥外一分宛宛中。○氣府論

註曰。手足太陽足陽明陰陽躄五脉之會。○刺

一分半。留六呼。灸三壯。甲乙經曰。刺六分。一曰

禁灸。

主治目痛視不明。見風淚出。努肉攀睛。白翳皆
癢。瘴眼。頭痛目眩。凡治雀目者。可久留鍼。然
後速出之。

席弘賦云。治眼若未效。并合谷光明不可缺。
百證賦云。兼行間。可治雀目汗氣。

靈光賦云。治努肉。

攢竹

一名始光。一名員柱。一名夜光。一名光明。

在肩頭陷者中。○刺

一分留六呼。不宜灸。甲乙經云灸三壯。明堂用
細三稜鍼刺之。宣泄熱氣。眼目大明。宜刺三分
出血。

主治目視眈眈。淚出目眩。瞳子癢。眼中赤痛及
腮臉瞶動不臥。

玉龍賦云兼頭維。治目疼頭痛。
百證賦云兼三間。可治目中漠漠。

通玄賦云腦昏目赤寫此。

曲差一名鼻衝在神庭旁一寸五分。入髮際。正頭取

之。○刺二分。灸三壯五壯。

主治目不明。頭痛鼻塞。歔衄鼻涕。頂巔痛。身心
煩熱汗不出。

五處在曲差後五分。夾上星旁一寸五分。○刺
三分。留七呼。灸三壯。甲乙經曰不可灸。

主治脊強反折。瘕癧顛疾。頭痛戴眼眩暈。目視
不明。

承光在五處後一寸五分。水熱穴論註曰五處
後一寸。甲乙經五處後二寸。○刺三分。禁灸。

主治頭風風眩嘔吐心煩鼻塞不利目翳口喎

通天

一名天曰

在承光後一寸五分。一曰橫直百會

旁一寸五分。○刺三分留七呼。灸三壯。

主治頭旋項痛不能轉側鼻塞偏風口喎衄血

頭重耳鳴狂走瘈瘲恍惚青盲內障。

千金云瘦氣面腫灸五十壯

百證賦云能去鼻內無聞之苦。

絡却

一名強陽一名腦蓋

在通天後一寸五分。甲乙經一

寸三分。○刺三分留五呼。灸三壯。一曰禁刺。

主治頭旋口喎鼻塞項腫瘈瘲內障耳鳴。

玉枕 在絡却後一寸五分。甲乙經曰在絡却後

七分。夾腦戶旁一寸三分。起肉枕骨上入後髮

際三寸。

按甲乙經之數與督脉之數不相合。

○刺三分留三呼。灸

三壯。一曰禁刺。

主治目痛如脫不能遠視腦風頭項痛鼻塞無

主聞

千金云多汗寒熱灸五十壯。刺三分。

百證賦連額會療頭風。

天柱 俠項後大筋外廉髮際陷中。○刺二分留六呼灸三壯。一日刺五分禁灸。

主治頭旋腦痛鼻塞淚出項強肩背痛足不任身目瞑不欲視。

百證賦云連養老治目中眵眵。○又云連束骨治項強多惡風。

大杼 在項後第一椎下兩旁相去脊中各二寸陷中。正坐取之。○海論曰衝脉者其輪上在於大杼。○氣穴論註曰督脉別絡手足太陽三脉

之會。○刺三分留七呼灸五壯七壯。一日禁灸。非有大急不可灸也。

主治傷寒汗不出腰脊項背強痛不得臥喉痺煩滿痰瘧頭痛欬嗽身熱目眩癩疾筋攣瘕癰膝痛不可屈伸。○凡刺瘧疾脉滿大者刺此并諷諤穴出血隨人肥瘦刺之不已刺委中風門立已。

席弘賦云大杼若連長強尋小腸氣痛即行鍼風門一名熱府在二椎下兩旁各去脊中二寸正坐

取之。○督脉足太陽之會。○熱府膂也。○刺五分留七呼。灸五壯。

主治傷寒頭痛項強。目暝。軌嚏。胸中熱。嘔逆。上氣喘。臥不安。身熱黃疸。癰疽發背。此穴能寫一身熱氣。常灸之。永無癰疽瘡疥等患。

神農經云。傷風欬嗽。頭痛鼻流清涕。可灸十四壯。及治頭疼風眩。鼻衄不止。

千金云上氣短。氣欬逆。胃背徹痛。灸百壯。

膂俞。在三椎下。去脊中各二寸。又以手搭背。左

取右。右取左。當中指末處是穴。正坐取之。千金

曰。肺俞對乳。引繩度之。○刺三分。留七呼。灸三

壯。一云灸百壯。○素問曰。刺中肺。三日死。

主治五勞傳尸。骨蒸。肺風。肺痿。欬嗽。嘔吐。上氣

喘滿。虛煩。口乾。目眩。支滿。汗不出。腰脊強痛。

背僂如龜。寒熱癭氣。黃疸。○此穴主寫五藏

之熱。與五藏俞治同。

神農經曰。治欬嗽吐血。唾紅。骨蒸虛勞。可灸十

四壯。

千金云治吐血唾血。上氣欬逆喉痺。灸隨年壯。
 ○又氣短不語灸百壯。○又治水注口中涌
 水出。灸肺俞及三陰交。隨年壯。○又癭腫上
 氣短氣。灸百壯。○又盜汗寒熱惡寒。灸隨年
 壯。刺五分。

玉龍賦云兼豐隆治痰嗽。

百證賦云兼天突治欬嗽連聲。

乾坤生意云同陶道身柱膏肓治虛損五勞七

傷緊要法。

厥陰俞 在四椎下。去脊中二寸。正坐取之。此穴出山

眺經甲乙經無。○刺三分。灸七壯。

主治欬逆牙痛。心痛結胃。嘔吐煩悶。

千金云主胃中膈氣積聚好吐。灸隨年壯。

心俞 在五椎下。去脊中二寸。正坐取之。○刺三

分。留七呼。○按甲乙經曰禁灸。故世醫皆謂可

鍼不可灸。殊不知刺中心一日死。乃素問之所

戒。又豈可易鍼耶。千金方言風中心。急灸心俞

百壯。服續命湯。又吐逆不得食者灸百壯。是又

當權其緩急也。

主治偏風半身不隨。食噎積結寒熱。心氣悶亂。

煩滿恍惚。心驚汗不出。中風偃臥不得。冒絕。

發癩悲泣。嘔吐欬血。發狂健忘。○此穴主寫。

五藏之熱。與五藏俞同。

神農經云。小兒氣不足者。數歲不能語。可灸五

壯。艾炷如麥粒。

玉龍賦云。兼腎俞。治腰腎虛乏之夢遺。

百證賦云。兼神道。治風癩常發自寧。

捷徑云。治憂噎。

一傳主療心虛遺精盜汗補之。

膈俞。在七椎下。去脊中二寸。正坐取之。○為血

之會。○刺三分。留七呼。灸三壯。一云灸至百壯。

主治心痛周痺。膈胃寒痰暴痛。心滿氣急。吐食

反胃。痿痺五積。氣塊血塊。欬逆。四支腫痛。息

情嗜臥。骨蒸喉痺。熱病汗不出。食不下。腹脇

脹滿。○此血會也。諸血病者皆宜灸之。如吐

血衄血不已。虛損昏暈。血熱妄行。心肺二經

嘔血藏毒便血不止。

千金云臆脹脇腹滿灸百壯三報之。○又治吐

逆不得食今日食明日吐灸百壯。

肝俞 在九椎下去脊中二寸正坐取之。○刺三

分留六呼灸三壯。○素問曰刺中肝五日死。

主治氣短欬血多怒脇肋滿悶欬引兩脇脊背

急痛不得息轉側難反折上視驚狂顛倒眩

暈痛循肩頭黃疸鼻瘦熱病後目中出淚眼

目諸疾熱痛生翳或熱病瘥後因食五辛慮

目嘔血或疝氣筋痙相引轉筋入腹。○此穴

主寫五藏之熱與五藏俞治同。○此穴

千金云吐血酸削灸百壯。○又胃滿心腹積聚

疼痛灸百壯。○又氣短不語灸百壯。

玉龍賦云目昏血溢肝俞辨其虛實。

標幽賦云兼命門能使瞽者見秋毫。

百證賦云兼少澤可治攀睛。

一傳治氣痛項瘧吐酸。

膽俞 在十椎下去脊中二寸正坐取之。○刺五

分。留七呼。灸三壯。○素問曰。刺中膽。一日半死。主治頭痛。振寒汗不出。腋下腫。心腹脹滿。口乾苦。咽痛。嘔吐。翻胃。食不下。骨蒸勞熱。目黃。胷脇痛。不能轉側。


百證賦云。兼陽綱。可治目黃。捷徑云。兼膈俞。治勞噎。

脾俞。在十一椎下。去脊中各二寸。正坐取之。○刺三分。留七呼。灸三壯。○素問云。刺中脾。十日死。

主治。疰癘積聚。肋下滿。疹瘡寒熱。黃疸。腹脹痛。吐食不食。飲食不化。或食飲倍多。煩熱嗜臥。身日羸瘦。泄痢。善欠。體重。四支不收。○此穴主寫五藏之熱。與五藏俞同。

千金云。食不消化。洩痢。不作肌膚。脹滿水腫。灸隨年壯。三報之。○又虛勞。尿血。白濁。灸百壯。百證賦云。兼聽官。能祛心下之悲悽。○又兼膀胱俞。治脾虛。穀食不消。

捷徑云。治思噎。食噎。



一傳治水腫鼓脹。氣滿泄瀉。年久不止。及久年積塊脹痛。或飲食不化。

胃俞 在十二椎下。去脊中二寸。正坐取之。○刺

三分。留七呼。灸三壯。一日灸隨年壯。

主治胃寒吐逆。翻胃霍亂。腹脹支滿。肌膚疲瘦。腸鳴腹痛。不嗜食。脊痛筋攣。小兒羸瘦。食少。不生肌肉。及小兒痢下赤白。秋末脫肛。肚疼不可忍。艾炷如大麥。

百證賦云兼魂門。治胃冷食不化。

一傳治水腫鼓脹。氣膈不食。泄瀉年久不止。多年積塊。

三焦俞 在十三椎下。去脊中二寸。正坐取之。○

刺五分。灸三壯。一日三分五壯。

主治傷寒身熱頭痛。吐逆。肩背急。腰脊強。不得俯仰。藏府積聚。脹滿膈塞不通。飲食不化。羸瘦水穀不分。腹痛下痢。腸鳴目眩。

千金云少腹堅大如盤。孟胃腹脹滿。飲食不消。婦人癥聚瘦瘠。灸三焦俞百壯。三報之。仍灸

氣海百壯。○又云主五藏六府積聚。心腹滿。腰脊痛。吐逆寒熱。小便不利。灸隨年壯。○又治尿血灸百壯。

腎俞 在十四椎下。與臍平。去脊中二寸。正坐取

之。素問血氣形志篇有五藏俞度。見經絡類十一。○刺三分。留七呼。灸

三壯。一日灸以年為壯。○素問曰。刺中腎六日

三死。

主治虛勞羸瘦。面日黃黑。耳聾。腎虛水藏久冷。

腰痛。夢遺精滑。脚膝拘急。身熱頭重。振寒。心

腹臘脹。兩脇滿痛。引少腹。少氣。溺血。便濁。淫

瀝。赤白帶下。月經不調。陰中痛。五勞七傷。虛

大。體無力。足寒如冰。洞洩。食不化。身腫如水。男

女久積氣痛。變成勞疾。○此穴主寫五藏之

熱。與五藏俞同。

千金云。腎間風虛灸百壯。○又小便濁。夢遺失

精。灸百壯。○又云。腎俞主五藏虛勞。少腹弦

急。脹熱。灸五十壯。老少減之。若虛冷。可百壯。

橫三間寸灸之。○又消渴口乾。同腰目灸之。

○又尿血灸百壯。○又百病水腫灸百壯。

玉龍賦云兼命門治老人便多。○又兼心俞治

腰腎虛乏之夢遺。胃俞主五藏虛熱少腹脹

百證賦云兼巨膠穴能除胃膈停留瘀血。腹大

通玄賦云能寫盡腰股之痛。

一傳治色慾過度虛腫耳痛耳鳴。主寫五藏之

大腸俞 在十六椎下。去脊中二寸。伏而取之。○

刺三分。留六呼。灸三壯。隨氣中氣正於寸口動

主治脊強不得俛仰。腰痛腹脹。繞臍切痛。腸澼

瀉痢食不化。大小便不利。

千金云脹滿雷鳴。灸百壯。三報之。

靈光賦云治大便病。

小腸俞 在十八椎下。去脊中二寸。伏而取之。○

刺三分。留六呼。灸三壯。

主治膀胱三焦津液少。便赤不利。淋瀝遺尿。小

腹脹滿。疝痛。瀉痢膿血。腳腫。心煩短氣。五痔

疼痛。婦人帶下。

千金云洩注五痢。便膿血。腹痛。灸百壯。○又主

三焦膀胱寒熱津液赤白洞泄腰脊痛小水不利婦人帶濁灸五十壯。○又消渴口乾不可忍者灸百壯。橫三間寸灸之。

靈光賦云治小便病。

膀胱俞 在十九椎下。去脊中二寸。伏而取之。○

刺三分。留六呼。灸三壯。一云七壯。

主治小便赤澀遺尿洩痢腰脊腹痛陰瘡脚膝寒冷無力女子癥瘕。

百證賦云兼脾俞治脾虛穀食不消。

中脊內俞

一名脊內俞

在二十椎下。去脊中三寸。夾

脊肿起肉間。伏而取之。○刺三分。留六呼。灸三壯。

主治腎虛消渴腰脊強痛不得俛仰腸冷赤白

痢疝痛汗不出脇腹脹痛。

百證賦云兼陶道治歲熱時行。

捷徑云主腰痛夾脊脊上下按之從後項至此穴痛者灸之立愈。

白環俞 在二十一椎下。去脊中二寸。伏而取之。

○刺五分。灸三壯。甲乙經云刺八分。得氣則寫。寫訖多補之。不可灸。

主治腰脊痛不得坐臥。疝痛。手足不仁。二便不利。溫瘧筋攣痺縮。虛熱閉塞。○一云主治夢遺白濁。腎虛腰痛。先寫後補。赤帶寫之。白帶補之。月經不調亦補之。

百證賦云兼委中。治背連腰痛大驗。

上膠 在腰髀骨下一寸。夾脊兩旁第一空陷中。

○繆刺論註曰。腰下夾尻有空骨各四。蓋卽此

四膠穴也。刺腰痛論註曰。上膠當髀骨下陷中。

餘三膠少斜下按之。陷中是也。腰髀骨卽十六椎下。腰脊兩旁

起骨之夾脊者。○足太陽少陽之絡。○刺三分。留七呼。

灸七壯。

主治大小便不利。嘔逆。腰膝冷痛。寒熱瘧。鼻衄。婦人絕嗣。陰中癢痛。陰挺出。赤白帶下。

次膠 夾脊旁第二空陷中。○刺三分。留七呼。灸

七壯。一日三壯。

主治大小便淋赤不利。心下堅脹。腰痛足清。疝

氣下墜。引陰痛不可忍。腸鳴泄瀉。赤白帶下。
中膠 夾脊旁三空陷中。○刺二分。留十呼。灸三
壯。

主治五勞七傷。二便不利。腹脹飧泄。婦人少子
帶下。月經不調。

下膠 夾脊旁四空陷中。○刺腰痛篇。及繆刺論。
王註皆曰足厥陰支別者。與太陰少陽結於腰
髀下。俠脊第三第四骨空中。其穴即中膠下膠
也。○刺二分。留十呼。灸三壯。一日刺二寸。

主治腸鳴泄瀉。二便不利。下血腰痛。引小腹急
痛。女子淋濁不禁。

百證賦云。濕熱濕寒。下膠定。

會陽

一名利機

在陰尾尻骨兩旁。○甲乙經曰督脉

氣所發。○刺二分。灸五壯。一日刺八分。

主治腹中寒氣泄瀉。腸澼便血。久痔。陽氣虛乏
陰汗濕。

附分 在二椎下。附項內廉。兩旁相去脊中各三
寸半。正坐取之。○手足太陽之會。○刺三分。灸

五壯。甲乙經作刺八分。

主治肘臂不仁。肩背拘急。風客腠理。頸痛不得回顧。

魄戶 在三椎下。去脊中各三寸半。正坐取之。○刺五分。灸五壯。一日刺三分。灸百壯。

主治虛勞肺痿。肩膊胷背連痛。三月走注。項強喘逆。煩滿嘔吐。○此穴主寫五藏之熱。與五藏俞同。

神農經云。治虛勞發熱。可灸十四壯。

百證賦云。兼膏肓。治勞瘵傳尸。

標幽賦云。治體熱勞嗽。

膏肓俞 在四椎下五椎上。去脊中各三寸半。正坐曲脊取之。○千金翼云。先令病人正坐。曲脊。伸兩手。以臂著膝前。令正直。手大指與膝頭齊。以物支肘。勿令臂動。乃從胛骨上角摸索至胛骨下頭。其間當有四肋三間。依胛骨之際。相去骨際如容側指許。按其中一間空處。自覺牽引肩中。是其次也。左右各灸至百壯。或三五百多。

至千壯。當氣下龍龔然如流水之降。若停痰宿疾。亦必下也。若病人已困不能正坐。當令側臥。挽上臂令前。索孔穴灸之。○又法但以右手搭左肩上。中指稍所不及處。是其穴也。左手亦然。乃以前法灸之。其有不能久坐伸臂者。亦可伏衣襟上。伸兩臂。令人挽兩胛骨。使相離遠。不爾胛骨覆穴。不得其真也。所伏衣襟。當令大小得宜。不爾則前却。亦失其穴也。此穴灸後。令人陽氣日盛。當消息自為補養。令得平復。則諸病無

所不治。○又法。如其人骨節分明。則以椎數為準。若脊背肥厚。骨節難尋。須以大椎至尾骶。量分三尺折取之。不然則以平臍十四椎命門為則。逐椎分寸取之。則穴無不真。然取大椎之法。除項骨三節不在內。或人亦有項骨短而無可尋者。但當以平肩之處為第一椎。以次求之。可無差也。○捷徑云。灸膏肓功效。諸書例能言之。而取穴則未也。千金等方之外。莊綽論之最詳。然繁而無統。不能歸定於一。余嘗以意取之。令

病人兩手交在兩膊上。灸時亦然。胛骨遂開。其穴立見。以手指摸索第四椎下。兩旁各三寸。四肋三間之中。按之痠疼是穴。灸至千壯。少亦七壯。當依千金立點立灸。坐點坐灸。臥點臥灸。爲的。劉瑾云。取膏肓二穴。當除第一椎小骨不笑。若連第一椎數下。當在五椎下兩旁各三寸半。共折七寸。分兩旁。按其痠疼處。乃是真穴。每依此灸療。多獲全愈。○灸七七壯。至百壯千壯。一云灸後當灸足三里。以引火實下。○此穴自

晉以前所未有。乃後人之所增也。

主治百病。無所不療。虛羸瘦損。五勞七傷諸病。夢遺失精。上氣欬逆。痰火發狂。健忘。胎前產後。可灸二七至七七壯。

百證賦云。兼魄戶。治勞瘵傳尸。

靈光賦云。治背脊痛風勞一切諸病。

乾坤生意云。兼陶道。身柱。肺俞。治虛損五勞七傷緊要之穴。

神堂 在五椎下。去脊中各三寸半。陷中。正坐取

之。○刺三分。灸五壯。○此穴主寫五藏之熱。與諸藏俞同。

主治腰脊強痛。不可俛仰。洒淅寒熱。胃腹滿逆時噎。

諛譎 在肩膊內廉。六椎下。去脊中各三寸半。正坐取之。○甲乙經曰。以手痛按之。病者呼諛譎。是穴蓋因其痛也。○刺六分。留七呼。灸五壯。一曰二七壯至百壯。

主治大風熱病。汗不出。勞損不得臥。溫瘧。

愈。胃腹脹悶。氣噎。肩背脇肋痛急。目痛欬逆。鼻衄。忌葷菜白酒。

千金云。多汗瘡病。灸五十壯。

膈關 在七椎下。去脊中各三寸半。陷中。正坐開肩取之。○刺五分。灸五壯。

主治背痛。惡寒脊強。嘔吐飲食不下。胃中噎悶。大小便不利。○此亦血會。治諸血病。

魂門 在九椎下。相去脊中各三寸半。陷中。正坐取之。○刺五分。灸三壯。

主治尸厥走注。胃背連心痛。食不下。腹中雷鳴。大便不節。小便黃赤。○此穴主寫五藏之熱。與五藏俞同。

百證賦云。兼胃俞。治胃冷食難化。標幽賦云。筋攣骨痛者補此。

陽綱 在十椎下。去脊中三寸半陷中。正坐取之。○刺五分。灸三壯七壯。

主治腸鳴腹痛。食不下。小便清。身熱消渴。目黃。腹脹泄痢。

百證賦云。兼膽俞。治目黃。

意舍 在十一椎下。去脊中三寸半陷中。正坐取之。○刺五分。灸七壯。一云五十壯。至百壯。

主治背痛。腹脹。大便泄。小便黃。嘔吐惡風寒。飲食不下。消渴目黃。○此穴主寫五藏之熱。與五藏俞同。

百證賦云。兼中府。能除脹滿噎塞。胃背脇痛。寒嘔吐。

胃倉 在十二椎下。去脊中各三寸半。正坐取之。

○刺五分。灸五壯。一云五十壯。

主治腹滿水腫食不下。惡寒。背脊痛。不可俛仰。

育門 在十三椎下。去脊中各三寸半。又肋間陷

中。前與鳩尾相直。正坐取之。○刺五分。灸三壯。

氣府論註云三十壯。

主治心下痛。大便堅。婦人乳痛有餘。

志室 在十四椎下。去脊中各三寸半。陷中。正坐

取之。○刺五分。灸三壯七壯。

主治陰腫陰痛失精。小便淋瀝。背脊強。腰脇痛。

腹中堅滿。霍亂吐逆不食。大便難。○此穴主

寫五藏之熱。與五藏俞同。

胞育 在十九椎下。去脊中各三寸半。陷中。伏而

取之。○刺五分。灸五壯七壯。

主治腰脊痛。惡寒。小腹堅。腸鳴。大小便不利。

秩邊 在二十一椎下。去脊中各三寸半。陷中。伏

而取之。○刺五分。灸三壯。

主治腰痛五痔。小便赤澁。

承扶 一名肉郄。一名陰關。一名皮部。 在尻臀下。股陰上約文中。

○刺七分。留七呼。灸三壯。甲乙經作刺二寸。
主治腰脊相引如解。久痔臀腫。大便難。胞寒。小
便不利。

殷門 在承扶下六寸。膈上兩筋之間。○刺七分。
留七呼。灸三壯。

主治腰脊不可俛仰。惡血流注。外股腫。

浮郤 在委陽上一寸。屈膝得之。○刺五分。灸三
壯。

主治霍亂轉筋。小腹膀胱熱。大腸結。股外筋急。

主髀樞不仁。

委陽 在承扶下六寸。屈伸取之。○邪氣藏府病

形篇曰。三焦合入於委陽。甲乙經曰。委陽。三焦

下輔腧也。在足太陽之前。少陽之後。出於膈中

外廉兩筋間。此足太陽別絡也。○刺七分。留五

呼。灸三壯。

主治腰脊腋。下腫痛不可俛仰。引陰中不得小
便。胃滿身熱。瘈瘲顛疾。小腹滿。飛尸遁注。痿
厥不仁。

本輸篇曰。三焦下輸。出於委陽。並太陽之正。入絡膀胱。約下焦。實則閉癢。虛則遺溺。遺溺則補之。閉癢則寫之。

百證賦云。兼天池穴。腋腫鍼而速散。

委中

一名血郤

在膈中央。約文動脈陷中。伏臥屈足

取之。○足太陽所入為合。○刺五分。留七呼。灸

三壯。一云禁灸。○春月勿令出血。蓋太陽合腎。

腎王於冬。水衰於春。故春無令出血。

主治大風眉髮脫落。太陽瘡從背起。先寒後熱。

熇熇然汗出難已。頭重轉筋。腰脊背痛。半身

不遂。遺溺。小腹堅。風痺髀樞痛。膝痛。足軟無

力。凡腎與膀胱實而腰痛者。刺出血。虛者

不宜刺。慎之。○此穴主寫四支之熱。委中者

血郤也。凡熱病汗不出。小便難。衄血不止。脊

強反折。瘕癢癩疾。足熱厥逆。不得屈伸。取其

經血立愈。

太乙歌云。虛汗盜汗補委中。

玉龍賦云。合人中。除腰脊痛閃之難制。○又云

兼居膠環跳除腿風濕痛。

百證賦云兼白環俞治背連腰痛已試。

千金十一穴云委中崑崙治腰背痛相連。

四總穴云腰背委中求。

馬丹陽天星十二穴云治腰痛不能舉沉引脊

梁痠風痲及轉筋疼痛難移展風痺復無常。

熱病不能當膝頭難伸屈鍼入即安康。

合陽 在膝膕約文下二寸。刺六分灸五壯。

主治腰脊強引腹痛陰股熱肝痠腫寒疝偏墜。

女子崩帶不止。

百證賦云兼交信治女子少氣下血。

承筋 一名膈腸 一名直腸 在膈腸中央陷中脚跟上七寸。

○灸三壯禁刺。

主治寒痺腰背拘急腋腫大便閉五痔膈痠脚

跟痛引少腹轉筋霍亂勦。

千金云霍亂轉筋灸五十壯。

承山 一名肉柱 一名魚腹 在兌膈腸下分肉間陷中。一云

腿肚下尖分肉間。刺七分灸五壯至七七壯。

然灸不及鍼。

主治頭熱鼻衄。寒熱癩疾。疝氣腹痛。痔腫便血。

腰背痛。膝腫脛痠。跟痛。霍亂轉筋。戰慄不能

行立。凡有邪熱者可寫之。

千金云灸轉筋隨年壯神驗。霍亂灸百壯。

玉龍賦云兼長強。灸痔最妙。

席弘賦云陰陵泉治心胃滿。兼此穴而飲食自

思。○又云兼魚際崑崙。治轉筋目眩立消。

靈光賦云治轉筋并久痔。

百證賦云刺長強兼承山。善主腸風新下血。

天星秘訣云兼內踝尖。治轉筋并眼花。○又云

兼陰交。治胃膈痞滿。自喜飲食。

馬丹陽云善治腰疼痛。痔疾大便難。脚氣并膝

腫。兩足盡寒痠。展轉成時疫。戰慄瘧憎寒。霍

亂及轉筋。刺之立便安。

今時多用此穴。治傷寒立效。亦有初發瘧疾者。

灸之立已。

飛陽

一名厥陽

在足外踝上七寸後陷中。○足太陽

絡別走少陰。○刺三分。灸三壯。

主治痔痛不得起坐。脚痠腫不能立。歷節風不

令得屈伸。癩疾寒瘧。頭目眩。逆氣。

千金云瘡實則腰背痛。虛則鼻衄。飛陽主之。

百證賦云兼支正可治目眩。

附陽 在足外踝上三寸。太陽前。少陽後。筋骨之

間。○陽躄之郤。○刺五分。留七呼。灸三壯。一云

七壯。

主治霍亂轉筋。腰痛不能立。髀樞股胘痛。痿厥

風痺不仁。頭重顛痛。時有寒熱。四支不舉。屈

伸不能。

崑崙 在足外踝後五分。跟骨上陷中。細動脈應

手。○足太陽所行為經。○刺三分。留七呼。灸三

壯。

主治腰尻脚氣。足脰腫痛不能步立。頭痛。鼻衄。

肩背拘急。欬喘目眩。陰腫痛。產難胞衣不下。

小兒發癩瘻瘰。

玉龍賦云兼申脉太谿。善療足腫之逆。

靈光賦云能住喘愈脚氣。

神農經云治腰尻痛足痛不能履地肩背拘急。

可灸七壯。○又治小兒陰腫可灸三壯。炷如

小麥。

席弘賦云兼魚際承山治轉筋目眩立消。

千金云胞衣不出鍼足太陽入四分穴在外踝

下後一寸宛宛中者意必此穴。○又云瘡多

汗腰痛不能俛仰目如脫項似拔崑崙主之。

千金十一穴云兼委中治腰背痛相連。

捷徑云治偏風。

馬丹陽天星十二穴云治轉筋腰尻痛膊重更

連陰頭疼脊背急暴喘滿衝心舉步行不得。

動足即呻吟若欲求安樂須尋此穴鍼。○增

治法云治目眩眩如脫頭熱鼻衄肚脹痛不

得息霍亂大便泄風癩口噤不開小兒陰腫。

頭眩轉筋吐逆尸厥中惡膝蓋暴痛。

僕參

一名安邪

在跟骨下陷中拱足得之。○足太陽

陽躄之會。○刺三分留七呼灸七壯。

主治腰痛足痿不收足跟痛霍亂轉筋吐逆尸厥癲癩狂言見鬼膝痛

靈光賦云後跟痛在僕參求。

申脉 在足外踝下五分陷中容爪甲許白肉際。

○陽蹻脉所生○刺三分留七呼灸三壯

主治風眩癲疾腰脚痛膝胫寒痠不能坐立如在舟車中氣逆腿足不能屈伸婦人氣血痛一云脚氣紅腫寫之若麻木無力先寫後補神農經曰治腰痛可灸五壯。

玉龍賦云兼太谿崑崙善療足腫之逆。

標幽賦云兼金門治頭風頭痛。

攔注賦云能除寒與熱偏正頭風及心驚耳鳴

鼻衄胃中滿遇麻木者虛當補逢疼痛者寫

而迎。

靈光賦云陽蹻陰蹻及陽陵陰陵四穴治脚氣

取之又兼三里同治脚氣亦去在腰諸疾。

千金方十三鬼穴云此名鬼路當在第五次下

火鍼治百邪癲狂。

捷法云。治腰背強不可俛仰。支節煩痛。牽引腰
 脚。中風不省人事。中風不語。中風半身癱瘓。
 偏枯疼痛無時。中風四支麻木不仁。手足搔
 癢。不能握物。中風口眼喎斜。牽連不已。角弓
 反張。眼目盲視。口噤不開。語言蹇澀。腰脊肩
 背疼痛。頭項強痛。不得回顧。腰痛起止艱難。
 手足背生毒。臂背生毒。○已上凡二十餘證。
 先以申脉主治。後隨證加各穴分治之。

金門一名關梁

在足外踝下一寸。○足太陽郄。陽維

別屬也。○刺一分。灸三壯。一云刺三分。灸七壯。
 炷如小麥。

主治霍亂轉筋尸厥。癰疽疔氣。膝胫痠不能立。

小兒張口搖頭身反。

百證賦云兼丘墟。可醫轉筋。

通玄賦云兼申脉。治頭風頭痛。

京骨 在足小指外側。本節後大骨下。赤白肉際

陷中。可按而得。○足太陽所過為原。○刺三分。

留七呼。灸七壯。

主治腰脊痛如折。髀不可曲。項強不能回顧。筋
攣善驚。痲瘧寒熱。目眩。內眥赤爛。頭痛。欬衄。
癩病狂走。

束骨 在足小指外側本節後陷中。赤白肉際。○
足太陽所注為臑。○刺三分。留三呼。灸三壯。

主治腸澼泄瀉。瘧痔癩癧。發背癰疔。頭痛目眩。
內眥赤痛。耳聾。腰膝痛。項強不可回顧。

太乙歌云兼三里。刺治項強腫痛。體重腰癱。
百證賦云連天柱。治項強多惡風。

秦承祖云。治風熱胎赤。兩目皆爛。

通谷 在足小指外側本節前陷中。○足太陽所
溜為榮。○刺二分。留五呼。灸三壯。

主治頭痛目眩。項痛。欬衄。善驚。目眩。眩。結積留
飲食。多不化。失欠。

千金云。諸結積留飲。澼囊胃滿。飲食不消。灸通
谷五十壯。

至陰 在足小指外側。去爪甲角如韭葉。○足太
陽所出為井。○刺一分。留五呼。灸三壯。五壯。

主治風寒頭重鼻塞。目痛生翳。胃脇痛。轉筋。寒瘧汗不出。煩心足下熱。小便不利。失精。脉痺。從足小指起。牽引上下。

百證賦云兼屋翳。治遍身癢痛之疾。小指天。席弘賦云專治脚膝腫。

今時習用此治婦人寒證。

張仲文治婦人橫產。手先出。諸符藥不效。為灸右腳小指尖三壯。炷如小麥。下火立產。

足少陰腎經穴

腎經穴歌

足少陰俞二十七。湧泉然谷照海出。太谿水泉連大鍾。復溜交信築賓立。陰谷橫骨趨大赫。氣穴四滿中注得。育俞商曲石關踰。陰都通谷幽門值。步廊神封出靈墟。神藏或中俞府畢。

湧泉

一名地衝

在足心陷中。屈足卷指宛宛中。○足

少陰所出為井。○刺三分。留三呼。灸三壯。

主治尸厥面黑。喘欬有血。目視眈眈無所見。善

恐。心中結熱。風疹風癩。心痛不嗜食。男子如
蠱。女子如妊。欬嗽氣短。身熱喉痺。目眩頸痛。
胃脇滿。小腹痛。腸澼泄瀉。霍亂轉胞不得尿。
腰痛大便難。轉筋。足脛寒痛。腎積奔豚。熱厥
五指盡痛。足不踐地。

史記漢北齊王阿母患足下熱喘滿。淳於意曰
熱厥也。刺足心立愈。

千金云陰中懊懣痛。刺入三分。○又鼻衄不止
灸二百壯。○又霍亂轉筋。灸三七壯。不止灸

足踵聚筋上白肉際。七壯立愈。

玉龍賦云兼關元豐隆。治尸勞。

席弘賦云。鳩尾能治五般癩。若下湧泉人不死。

○又云小腸氣結連臍痛。速寫陰交良久。鍼
湧泉取氣甚妙。

百證賦云。專治厥寒厥熱。○又云兼行間。治消
渴腎竭。

通玄賦云。治胃結身黃。寫此。
靈光賦云。治婦人疾。并男蠱女孕。而病痊者。千

金勿妄傳。

天星秘訣云兼陰陵治小腸連臍痛。

然谷

一名龍淵一名然骨。

在足內踝前起大骨下陷者中。

○足少陰所溜為榮。○刺三分留三呼。灸三壯。一日刺不宜見血。

主治喘呼煩滿。欬血喉痺消渴。舌縱心恐少氣。涎出。小腹脹。痿厥寒疝。足跗腫。瘰癧。足一寒一熱不能久立。男子遺精。婦人陰挺出。月經不調不孕。初生小兒臍風撮口痿厥洞泄。此

穴主寫腎藏之熱。若治傷寒亦宜出血。

千金云石水灸然谷氣衝四滿章門。

百證賦云此穴易醒臍風。

照海 在足內踝下一寸陷中容爪甲。一云在內

踝下四分微前高骨陷中前後有筋。上有踝骨。

下有軟骨。其穴居中。神農經云在內踝直下白

肉際是穴。○陰躄所生。○刺四分留六呼。灸三

壯。一日刺三分。灸七壯。

主治咽乾嘔吐。四支懈惰嗜臥善悲不樂。大風

偏枯半身不遂。久瘡卒疝。腹中氣痛。小腹淋痛。陰挺出。月水不調。

玉龍賦云。兼支溝。能通大便秘。○又云。合內關。能醫腹疾之塊。

神農經云。治月事不行。可灸七壯。○又云。兼公孫。治傷寒四日太陰經。再用內關施截法。

攔江賦云。治噤口喉風。用三稜鍼出血即安。

百證賦云。兼大敦。治傷寒。

席弘賦云。兼百會。太衝。陰交。治咽喉疾。○又云。

兼陰交。曲泉。關元。氣海。同寫。治七疝如神。

靈光賦云。二躋。二陵。脚氣者。取此四穴。又兼三里。同治脚氣。并在腰之疾。

標幽賦云。兼陽維。內關。能下胎衣。○又云。治喉中之閉塞。

捷法云。治小便頻數。淋瀝不通。小腹冷痛。膀胱七疝。奔豚。偏墜。木腎腫大如升。發時疼痛。衝心。小便淋血。陰痛。遺精白濁。夜夢鬼交。不禁。婦人難產。子搦母心不下。女子大便不通。產。

後腹痛惡露不已。婦人脾病血蠱水蠱氣蠱
 石蠱單蠱。女人血氣虛倦。五心煩熱。支體盡
 痛。頭目昏沉。老人虛損。手足轉筋不能舉動。
 霍亂吐瀉。寒濕脚氣發熱大痛。腎虛脚氣紅
 腫。乾脚氣膝頭內踝五指疼痛。渾身脹滿。水
 蠱喘脹。四支面目浮腫。婦人瘦損赤白帶下。
 子宮久冷。不受胎孕。經水正行。頭眩小腹空
 痛。月水不調。臍腹疼痛。及淋漏不斷等證。○
 已上諸證。先以照海為主。後隨證加穴分治。

太谿一名呂細

在足內踝後五分。跟骨上動脈陷中。

○足少陰所注為脛。即原也。○刺三分。留七呼。
 灸三壯。

主治熱病汗不出。傷寒手足逆冷。嗜臥。欬。喉咽
 腫。衄血。唾血。溺赤。消瘴。大便難。久瘡。欬逆。煩
 心不眠。脉沉。手足寒。嘔吐不嗜食。善噫。腹疼
 瘠瘦。寒疝。痞癥。

神農經云。治牙疼可灸七壯。

一云牙疼。經腫者。寫之。陰股內濕癢。生瘡。便毒。

先補後寫。○一云腎瘡嘔吐多寒。閉戶而處。其病難已。太谿大鍾主之。腰脊痛大便難。手足寒。并刺委中大鍾。

玉龍賦云合崑崙申脉。善療足腫之逆。

百證賦云兼商陽。治寒瘡有驗。

水泉 在足內踝下太谿下一寸。○足少陰郄。○

刺四分灸五壯。

主治目眈眈不能遠視。女子月事不來。來即多。

心下悶痛。小腹痛。小便淋。陰挺出。

百證賦云兼天樞。治月潮違限。

大鍾 在足跟後衝中。大骨上兩筋間。水熱穴論

註曰。在足內踝後衝中。○足少陰絡。別走太陽

○刺二分。留三呼。灸三壯。

主治氣逆煩悶。實則小便淋閉。洒洒腰脊強痛。

大便秘澁嗜臥。口中熱虛則嘔逆多寒。欲閉

戶而處。少氣不足。胃脹喘息舌乾。食噎不得

下。善驚恐不樂。喉中鳴欬垂血。

百證賦云兼通里。治倦言嗜臥。

標幽賦云治心性之呆癡。

復溜

一名伏白。一名昌陽。

在足內踝後上。除踝二寸陷者

中。前傍骨是復溜。後傍筋是交信。二穴止隔一

筋。○足少陰所行為經。○刺三分。留三呼。灸五

壯七壯。

主治腸澼痔疾。腰脊內引痛不得俛仰。善怒多

言。舌乾涎出。足痿筋寒不得履。目視眈眈。腸

大酸。鳴腹痛。四支腫。十種水病。五淋盜汗。齒齩。脉

百微細。

神農經云。治盜汗不収。及面色痿黃。可灸七壯。

千金云。血淋灸五十壯。

太乙歌云。刺治腰脊。閃挫疼痛。遊風徧體。

玉龍賦云。傷寒無汗宜寫。○又云。起六脉之沉

匿。

攔江賦云。傷寒無汗。先補合谷。次寫此穴。

席弘賦云。此穴專治氣滯在腰。

靈光賦云。治腫如神。

交信。在足內踝上二寸。少陰前。太陰後。筋骨間。

○陰躄之郄。○刺四分。留五呼。灸三壯。

主治五淋癢疝。陰急股膻內廉引痛。瀉痢赤白。

大小便難。女子漏血不止。陰挺月事不調。小

腹痛。盜汗。

百證賦云兼合陽治女子少氣漏血。

築賓 在足內踝後。上膻分中。○陰維之郄。○刺

三分。灸五壯。

主治小兒胎疝。癩疾吐舌發狂罵詈。腹痛嘔吐

涎沫。足膻痛。

陰谷 在膝下內輔骨後。大筋下小筋上。按之應

手。屈膝乃得之。○足少陰所入為合。○刺四分。

留七呼。灸三壯。

主治舌縱涎下。腹脹煩滿。溺難。小腹疝急引陰。

陰股內廉痛。為痿為痺。膝痛不可屈伸。女人

漏下不止。少妊。

太乙歌云兼水分三里。利小便消腫脹。

通玄賦云治臍腹痛。

橫骨 一名

下極

在大赫下一寸。育俞下五寸。去中行

五分。陰上橫骨中。○按少腹下尖自橫骨上行。不可槩用腹中分寸。當以太陰之衝門起自橫骨兩端。以至陽明之氣衝。少陰之橫骨。至中行之曲骨穴。通計折量。始得其準。凡上至腹中。皆當以此類推。○衝脉足少陰之會。○刺五分。灸三壯。五壯。甲乙經曰刺一寸。

主治五淋小便不通。陰器下縱引痛。小腹滿。目眦赤痛。五藏虛。

百證賦云兼育俞。寫五淋久積。

一 席弘賦云兼大都。治氣滯腰疼不能立。

大赫

一名陰維。一名陰關。

在氣穴下一寸。去中行五分。○

衝脉足少陰之會。○刺三分。灸五壯。千金云三十壯。甲乙經作刺一寸。

主治虛勞失精。陰痿上縮。莖中痛。目赤痛。女子

赤帶。

氣穴

一名胞門。一名子戶。

在四滿下一寸。去中行五分。○

衝脉足少陰之會。○刺三分。灸五壯。甲乙經作刺一寸。

主治奔豚痛引腰脊。瀉痢經不調。

四滿

一名髓府

在中注下一寸。去中行五分。○衝脉

足少陰之會。○刺三分。灸三壯。甲乙經云刺一寸。千金云灸百壯。

主治積聚疝瘕。腸癖切痛。石水奔豚臍下痛。女

人月經不調。惡血疔痛。并無子。可灸三十壯。

中注 在育俞下一寸。去中行五分。○衝脉足少

陰之會。○刺一寸。灸五壯。一云刺五分。

主治小腹熱。大便堅燥。腰脊痛。目背痛。女子月

事不調。

育俞 在商曲下一寸。

當作二寸

直臍旁。去臍中五分。

○衝脉足少陰之會。○刺一寸。灸五壯。一云刺

五分。

主治腹痛寒疝。大便燥。目赤痛從內眦始。

百證賦云兼橫骨。寫五淋之久積。

商曲 在石關下一寸。去中行五分。○衝脉足少

陰之會。○刺一寸。灸五壯。一云刺五分。

主治腹中切痛。積聚不嗜食。目赤痛內眦始。

石關 在陰都下一寸。去中行五分。○衝脉足少陰之會。○刺一寸。灸三壯。一云刺五分。

主治噦噫嘔逆。脊強腹痛。氣淋小便不利。大便燥閉。目赤痛。婦人無子。或藏有惡血上衝。腹痛不可忍。

神農經云治積氣疼痛。可灸七壯。孕婦禁灸。

千金云治噦噫嘔逆。灸百壯。

百證賦云兼陰交。無子可搜。

陰都 一名食官 在通谷下一寸。夾中脘相去五分。○

衝脉足少陰之會。○刺三分。灸三壯。甲乙經曰

刺一寸。千金云灸隨年壯。

主治心煩滿恍惚。氣逆腸鳴。肺脹。氣搶嘔沫。大便難。脇下熱痛。目痛。寒熱瘕瘕。婦人無子。藏

有惡血腹絞痛。

通谷 在幽門下一寸陷中。夾上脘相去五分。○

衝脉足少陰之會。○刺五分。灸五壯。

主治口喎暴瘖。積聚疝瘕。胃滿食不化。膈結嘔吐。目赤痛。不明清涕。項似拔不可回顧。

幽門一名上門夾巨闕兩旁各五分陷者中○衝脉

足少陰之會○刺五分灸五壯

主治胃中引痛心下煩悶逆氣裏急支滿不嗜

食數欬乾噦嘔吐涎沫健忘洩痢膿血少腹

脹滿女子心痛逆氣善吐食不下

神農經云治心下痞脹飲食不化積聚疼痛可

灸十四壯孕婦不可灸

百證賦云兼玉堂能開徹煩心嘔噦

步廊在神封下一寸六分陷中去中行二寸夾

中庭仰而取之○刺三分灸五壯

主治胃脇滿痛鼻塞少氣欬逆不得息嘔吐不

食臂不得舉

神封在靈墟下一寸六分去中行二寸仰而取

之○刺三分灸五壯

主治胃脇滿痛欬逆不得息嘔吐不食乳癰酒

而漸惡寒

靈墟在神藏下一寸六分去中行二寸陷中仰

而取之○刺三分灸五壯

主治同神封。

神藏 在或中下一寸六分陷中。去中行二寸。仰

而取之。○刺三分。灸五壯。

主治同上。

百證賦云兼璇璣。治胃滿項強已試。

或中 在俞府下一寸六分陷中。去中行二寸。仰

而取之。○刺四分。灸五壯。

主治欬逆不得喘息。胃腸支滿。多唾嘔吐不食。

神農經云治氣喘痰壅。可灸十四壯。

一傳治欬嗽哮喘唾血。

俞府 在巨骨下。夾璇璣旁二寸陷中。仰而取之。

○刺三分。灸五壯。

主治欬逆上氣嘔吐不食中痛。

一云熱嗽寫之。冷嗽補之。

玉龍賦云兼乳根。能治氣嗽痰哮喘。

手厥陰心包絡經穴

心包絡經穴歌

心包九穴天池近。天泉曲澤郄門認。間使內關
踰大陵。勞官中衝中指盡。

天池

一名天會

在乳後一寸。腋下三寸。着脇。直腋擗

肋間。氣府論註曰。在乳後同身寸之二寸。○手

厥陰足少陽之會。○刺三分。灸三壯。

主治目眵眵不明。頭痛。胃脇煩滿。欬逆。臂腋腫
痛。四支不舉。上氣寒熱瘧熱。病汗不出。

千金云治頸漏瘰癧灸百壯。

百證賦云兼委陽穴。腋腫鍼而速散。

天泉一名天濕在曲腋下。去肩臂二寸。舉臂取之。○

刺六分。灸三壯。一日刺二分。

主治惡風寒。胃脇痛。支滿欬逆。膺背脾臂間痛。

曲澤在肘內廉橫文陷中。筋內側動脈。屈肘得

之。○手厥陰所入為合。○刺三分。留七呼。灸三

壯。

主治心痛。善驚。身熱煩渴。臂肘挫動。掣痛不可

伸。傷寒嘔吐氣逆。

百證賦云兼少商。治血虛口渴。

郄門在掌後去腕五寸。○手厥陰郄。○刺三分。

灸五壯。

主治嘔血衄血。心痛嘔噦驚恐。神氣不足。久痔。

間使在掌後三寸。兩筋間陷中。○手厥陰所行

為經。○刺三分。留七呼。灸五壯。

主治傷寒結胃。心懸如饑。嘔沫少氣。中風氣塞。

昏危不語。卒狂胃中澹澹。惡風寒。霍亂乾嘔。

腋腫肘攣卒心痛多驚咽中如鯁婦人月水不調小兒客忤久瘡可灸鬼邪隨年壯。

千金云乾嘔不止所食即吐不停灸三十壯若

四支脉絕不至者灸之便通此法能起死人。

○又治卒死灸百息○又十三鬼穴云此名

鬼路鍼百邪癲狂當在第九次下鍼。

神農經云治脾寒寒熱往來渾身瘡疥灸七壯。

太乙歌云兼風池環跳治瘡疾○又兼氣海中

極三里刺小腹便澀。

玉龍賦云治瘵瘵。

百證賦云兼天開治失音休遲。

靈光賦云兼水溝治邪癲。

捷徑云治熱病頻噦。

內關 在掌後去腕二寸兩筋間與外關相對○

手厥陰絡別走手少陽○刺五分灸五壯。

主治中風失志實則心暴痛虛則心煩惕惕面

熱目昏支滿肘攣久瘡不已胃滿腸痛實則

寫之生瘡灸之。

神農經云治心疼腹脹腹內諸疾。每灸七壯。

玉龍賦云合照海能醫腹疾之塊。

席弘賦云兼公孫治肚痛。

攔江賦云治傷寒太陰經四日者。先用照海公

孫。後用內關施治。

百證賦云兼建里。掃盡胃中之苦悶。

標幽賦云。胃滿腹痛刺內關。

捷法云。治胃滿胃脘不快。傷寒中焦痞滿。兩脇

刺痛。嘔吐不已。脾胃氣虛。心腹脹滿。脇肋下

疼。心腹刺痛。痞塊食癥不散。人漸羸瘦。血塊

氣癥。藏府虛寒。風壅氣滯。大腸虛冷。脫肛不

收。大便艱難。用力脫肛。藏毒腫痛。便血不止。

五痔五癩。口吐涎沫。心性呆癡。心驚發狂。悲

泣不已。不識親疎。健忘錯亂。言語不記。或歌

或笑。神思不安。中風不省人事。心虛膽寒。四

體戰掉。○已上諸證。先以內關主治。後隨證

加各穴治之。

大陵 在掌後骨下橫文中。兩筋間陷中。○手厥

陰所注為膺。即原也。○刺三分。留七呼。灸三壯。
主治熱病汗不出。舌本痛。喘欬嘔血。心懸如饑。
善笑不休。頭痛氣短。胃脇痛。驚恐悲泣。嘔逆。
喉痺口乾目赤。肘臂攣痛。小便如血。

神農經云。治胃中疼痛。胃前瘡疥。可灸三壯。

千金云。吐血嘔逆。灸五十壯。○又云。凡卒患腰

腫附骨癰疽。節腫遊風熱毒。此等疾。但初覺

有異。即急灸之。從手掌後第一橫文後兩筋

間。灸五壯立愈。患左灸右。患右灸左。當中者

兩手俱灸。○又十三鬼穴云。此為鬼心。治百

邪癲狂。在第四次下。鍼。

玉龍賦云。兼勞宮。瘳心悶瘡瘻。○又云。合人中

頻寫。全去口氣。○又云。合外關支溝。治肚疼

秘結。

勞宮

一名五里
一名掌中。

在掌中央動脈。屈無名指取之。

○手厥陰所溜為榮。○刺二分。灸三壯。

主治中風。悲笑不休。熱病汗不出。脇痛不可轉
側。吐衄噫逆。煩渴食不下。胃脇支滿。口中腥

氣黃疸手痺大小便血熱痔。

千金云心中懊懣痛刺入五分補之。

玉龍賦云兼大陵療心悶瘡瘻。

靈光賦云治勞倦。

百證賦云兼後谿可治三消黃疸。

通玄賦云能退胃翻心痛。

捷徑云治憂噎。

一傳癩狂灸此效。

中衝 在手中指端去爪甲如韭葉陷中。○手厥

陰所出為井。○刺一分留三呼灸一壯。

主治熱病汗不出頭痛如破身熱如火心痛煩

滿舌強痛中風不省人事。

神農經云治小兒夜啼多哭灸一壯。炷如小麥。

百證賦云兼廉泉堪攻舌下腫痛。

一云主神氣不足失志。

乾坤生意云此為十井穴。凡初中風暴仆昏沉。

痰涎壅盛不省人事牙關緊閉藥水不入急

以三稜鍼刺少商商陽中衝關衝少衝少澤。

使血氣流通乃起死回生急救之妙訣。

手少陽三焦經穴

三焦經穴歌

手少陽三焦所從。二十三穴起關衝。向液門中渚陽池。歷外關支溝會宗。三陽絡入於四瀆。注天井清冷淵中。消灤臑會肩髃同。天膠天牖經霧風。瘼脉顙息角孫入耳門。和膠絲竹空。

關衝 在手名指外側端。去爪甲角如韭葉。○手少陽所出為井。○刺一分。留三呼。灸三壯。主治頭痛口乾喉痺。霍亂胃中氣噎不食。肘臂

痛不能舉。目昏昏。○一云主三焦邪熱。口渴
脣焦。口氣宜寫此出血。

玉龍賦云。壅熱盛於三焦。關衝最宜。

百證賦云。兼啞門。治舌緩不語。

捷徑云。治熱病煩心。滿悶汗不出。掌中大熱如

火。舌本痛。口乾消燥。久熱不去。

乾坤生意云。此為十井穴。凡初中風暴仆昏沉。

痰涎壅盛不省人事。牙關緊閉。藥水不下。急

以三稜鍼刺少商。商陽中衝。少衝。關衝。少澤。

使血氣流通。乃起死回生急救之妙穴。

液門 在手小指次指間陷者中。○手少陽所溜

為榮。○刺二分。留二呼。灸三壯。

主治驚悸忘言。寒厥臂痛不得上下。痲瘧寒熱

頭痛。目眩赤澁。泣出。耳暴聾。咽外腫。牙齦痛。

若手臂紅腫痛楚。寫之出血為妙。

千金云。治耳聾不得眠。刺入三分補之。

玉龍賦云。兼中渚。治手臂紅腫。

百證賦云。兼魚際。能療喉痛。

中渚 在手名指本節後間陷中。把拳取之。○手少陽所注為腧。○刺二分。留三呼。灸三壯。

主治熱病汗不出。臂指痛不得屈伸。頭痛目眩。生翳不明。耳聾咽腫。久瘡。手臂紅腫。寫之。出

血灸五壯。

太乙歌云刺久患腰疼背痛。

玉龍賦云兼液門治手臂紅腫。

席弘賦云治久患傷寒肩背痛。

通玄賦云脊心後痛鍼此立愈。

靈光賦云五指不便取中渚。

陽池 一名別陽

在手表腕上陷者中。自本節後骨直

對腕中。○手少陽所過為原。○刺二分。留六呼。

灸三壯。銅人經曰不可灸。

主治消渴口乾煩悶。寒熱瘧。或因折傷。手腕捉物不得臂不能舉。

千金云消渴口乾灸五十壯。

神農經云治手腕疼無力。不能上舉至頭。可灸

七壯。

外關 在腕後二寸兩筋間陷中。○手少陽絡。別走心主。○刺三分。留七呼。灸三壯。

主治耳聾。渾痺無聞。肘臂五指痛不能握。若脇肋痛者。寫之。

神農經云。治肘臂不得屈伸。五指盡疼不能握物。可灸七壯。

玉龍賦云。兼大陵支溝。治肚痛秘結。

捷徑云。治臂膊紅腫。支節疼痛。足內踝骨紅腫痛。手足指節痛不能屈伸。五藏六府結熱。吐

血妄行不已。鼻衄不止。吐血昏暈不省人事。虛損氣逆。陽乘於陰。則血熱妄行。陰乘於陽。則血寒亦吐。名心肺二經嘔血。舌強難言。及生白胎。重舌腫脹。熱極口内生瘡。舌吐不收。舌縮不能言。脣吻破裂。血出乾痛。頭生癩癧。結核。遶頸連胃。耳根頸項腫痛不消。目生翳膜。隱澁難開。風沿爛眩。迎風流淚。目風腫痛。努肉攀睛。暴赤腫痛。○已上諸證。先以外關主治。後隨證分穴治之。

支溝

一名飛虎

在腕後三寸。兩骨間陷中。○手少陽

所行為經。○刺二分。留七呼。灸七壯。

主治熱病汗不出。肩臂痠重。脇腋痛。四支不舉。

霍亂嘔吐。口噤暴瘖。鬼擊卒心痛。產後血暈。

不省人事。凡三焦相火熾盛。及大便不通。脇

肋疼痛者。俱宜寫之。

千金云。治頸漏馬刀。灸百壯。

玉龍賦云。兼照海。能通大便之秘。○又云。合外

關大陵。治肚疼秘結。

會宗 在腕後三寸空中一云空中一寸。○手少

陽郄。○刺三分。灸三壯。一日禁刺。

主治五癩耳聾肌膚痛。

三陽絡

一名通間

在臂上大交脉。支溝上一寸。○灸

五壯。禁刺。

主治暴瘖不能言。耳聾齒齲。嗜臥身不欲動。

四瀆 在肘前五寸外廉陷中。○刺六分。留七呼。

灸三壯。一日刺三分。

主治暴氣耳聾。下齒齲痛。

天井在肘外。大骨尖後。肘上一寸。兩筋間陷中。屈肘得之。甄權云。在曲肘後一寸。又手按膝頭取之。○手少陽所入為合。○刺三分。留七呼。灸三壯。甲乙經云。刺一分。

主治欬嗽上氣。胃痛不得語。唾膿不嗜食。寒熱。凄凄不得臥。驚悸悲傷。瘕瘕癩疾。五癰風痺。頭頸肩背痛。耳聾目銳。背痛。頰腫。肘臂痛。不得捉物。及寫一切瘰癧瘡。腫癭疹。

神農經云。治欬嗽上氣。風痺肘疼。可灸七壯。

清冷淵 在肘上二寸。伸肘舉臂取之。○刺三分。灸三壯。

主治諸痺痛。肩臂肘臑不能舉。

席弘賦云。五般肘痛。尋尺澤。冷淵鍼後。即收功。消灤 在肩下臂外間。腋斜肘分下行。○刺五分。灸五壯。一日刺一分。灸三壯。

主治風痺頸項強急。腫痛。寒熱頭痛。肩背急。一傳海南治牙疼。灸此穴。

臑會 一名臑膠 在臂前廉。去肩端三寸宛宛中。○手

陽明少陽二絡之會。○刺五分。灸五壯。

主治肘臂氣腫。痠痛無力不能舉。項癭氣瘤。寒

熱瘰癧。

肩髃 在肩端臑上陷中。斜舉臂取之。○刺七分。

灸三壯。

主治臂重肩痛不能舉。

天膠 在肩缺盆中。上髂骨際陷者中。髂音一曰

直肩井後一寸。○手足少陽陽維三脉之會。○

刺八分。灸三壯。

主治肩臂痠痛。缺盆痛。汗不出。臂中煩滿。頸項

急。寒熱。

天牖 在頸大筋外。缺盆上。天容後。天柱前。完骨

下髮際中。上夾耳後一寸。○刺一分。留七呼。不

宜補。亦不宜灸。灸即令人面腫。資生經云。灸一

壯。甲乙經云。灸三壯。

主治暴聾不聰。氣目不明。夜夢顛倒。面無顏色。

頭風面腫項強。○一日若治面腫眼合。先取

諶諱。後鍼天牖風池。其病即瘥。若不先鍼諶

諳其病難愈。

翳風 在耳後尖角陷中。按之引耳中。○手足少

陽之會。○刺三分。灸七壯。

主治耳聾。口眼喎斜。口噤不開。脫頰腫頰。牙車
急痛。暴瘖不能言。○一云耳紅腫痛。寫之。耳
虛鳴。補之。補多寫少。

百證賦云兼聽會。治耳聾氣閉。

瘻脉

一名資脉

在耳本後。雞足青絡脉中。○刺一分。

灸三壯。銅人云。刺出血如豆汁。不宜多出。一云

禁灸。

主治頭風耳鳴。小兒驚癇。瘵癢。嘔吐瀉痢無時。
驚恐目澁。眵膏。

顱息 在耳後間青絡脉中。○刺一分。灸七壯。甲

乙經曰。灸三壯。一曰禁刺。出血多則殺人。

主治耳鳴喘息。小兒嘔吐。瘵癢驚恐發癇。身熱
頭痛不得臥。聾耳腫流膿汁。

百證賦云。瘵病非顱息不愈。

角孫 在耳廓中間。上髮際下。開口有空。○手太

陽手足少陽三脉之會。甲乙經手太陽作手陽明寒熱病篇

曰。足太陽有入頰徧齒者。名曰角孫。則是太陽

脉亦會於此。○刺三分。灸三壯。

主治目生翳。齒齲腫不能嚼。唇吻燥。頸項強。

一云堪治耳齒之病。

耳門 在耳前起肉。當耳缺處陷中。○刺三分。留

三呼。灸三壯。一云禁灸。

主治耳聾。耳膿汁。耳生瘡。齒齲唇吻強。

席弘賦云。但患傷寒。兩耳聾。耳門聽會疾如風

百證賦云。兼絲竹空。能住牙疼於頃刻。

天星秘訣云。耳鳴腰痛先五會。後此穴及三聖。

和膠 耳前兌髮下橫動脉。○手足少陽手太陽

三脉之會。○刺三分。灸三壯。一曰灸之目盲。

主治頭痛耳鳴。牙車引急。頸項腫。口噤瘖瘵。

絲竹空 一名目膠 在肩後陷中。○甲乙經曰。足少陽

脉氣所發。○刺三分。留三呼。禁灸。灸之不幸令

人目小及盲。

主治頭痛目赤目眩。視物眊眊。拳毛倒睫。風癩

戴眼發狂吐涎沫偏正頭風。

神農經云治頭風宜出血。

百證賦云兼耳門能治牙疼於頃刻。

通玄賦云治偏頭痛難忍。

一傳主眼赤痛鍼一分出血。

經圖翼七卷終

類經圖翼八卷

張介賓類正

經絡 六

足少陽膽經穴

膽經穴歌

足少陽經瞳子膠四十三穴行迢迢聽會客主

頷厭集懸顱懸釐曲鬢翹率谷天衝浮白次

陰完骨本神至陽白臨泣開目窻正營承靈勝

空是風池肩井淵腋長輒筋日月京門鄉帶脉

五樞維道續。居膠環跳下中瀆。陽關陽陵復陽交。外丘光明陽輔高懸鍾丘墟足臨泣。地五俠谿竅陰畢。

瞳子膠

一名太陽
一名前關

在目外去眥五分。○手太陽

手足少陽三脉之會。○刺三分灸三壯。

主治頭痛目癢。外眥赤痛。翳膜青盲。遠視眈眈。淚出多眵。

一云兼少澤能治婦人乳腫。

聽會

一名聽河
一名後關

在耳前陷中。客主人下一寸動

脉宛宛中。去耳珠下開口有空。側臥張口取之。

○刺四分。灸三壯。

主治耳聾耳鳴。牙車脫臼齒痛。中風瘈瘲喎斜。

玉龍賦云治耳聾腮腫。

席弘賦云耳聾鍼聽會。更瀉迎香功如神。○又

云兼金門治傷寒兩耳聾。

百證賦云兼翳風治耳聾氣閉。

客主人

一名上關

在耳前起骨上廉。開口有空。側臥

張口取之。○手足少陽足陽明三脉之會。○本

輸篇曰。刺之則眩不能欠者卽此穴。○刺一分。留七呼。灸三壯。甲乙經曰刺太深令人耳無聞。一曰禁刺。一曰刺上關不得深。下關不得久。主治口眼偏斜。耳聾耳鳴。聒耳。目眩齒痛。瘕瘕。口噤不能嚼物。

頤厭 在耳前曲角顛顛上廉。卽腦空之上○手足少陽足陽明之會。○刺三分。留七呼。灸三壯。氣府論註曰。刺深令人耳無所聞。

主治頭風偏頭頸項俱痛。目眩耳鳴多嚏驚癩。

歷節風汗出。

百證賦云。兼懸顛治偏頭痛。

懸顛 在耳前曲角上顛顛之中。○寒熱病篇曰。足陽明有挾鼻入於面者。名曰懸顛。是此爲足少陽陽明之會。故氣府論註爲足陽明脉氣所發。○刺三分。留三呼。灸三壯。

主治頭痛齒痛。偏頭痛引目。熱病汗不出。

百證賦云。兼頤厭治偏頭痛。

懸釐 在耳前曲角上。顛顛下廉。○手足少陽陽

明四脉之會。○刺三分。留七呼。灸三壯。

主治偏頭痛。面腫。目銳眦痛。熱病煩心。汗不出。

曲鬢 在耳上入髮際。曲隅陷中。鼓頷有空。○足

太陽少陽之會。○刺三分。灸三壯。

主治頷頰腫引牙車不得開。口噤難言。項強不

得頷。頭角痛。巔風目眦。

率谷 在耳上入髮際一寸半陷中。嚼牙取之。○

足太陽少陽之會。○刺三分。灸三壯。

主治腦痛。兩頭角痛。胃膈寒痰。煩悶嘔吐。酒後

皮風膚腫。

神農經云。治頭風兩角疼痛。可灸三壯至五壯。

小兒急慢驚風。灸三壯。炷如小麥。

天衝 在耳後入髮際二寸。一日在耳上。如前三

分。○足太陽少陽之會。○刺三分。灸三壯。

主治癩疾。風瘕。牙齦腫。驚恐頭痛。

百證賦云。兼大橫。治反張悲哭。

浮白 在耳後入髮際一寸。○足太陽少陽之會。

○刺三分。灸三壯。

主治欬逆。胸滿喉痺。耳聾齒痛。項癭痰沫。不得喘息。肩臂不舉。足不能行。

百證賦云專治癭氣。

一傳治眼目四時疼痛。頭風痛。

竅陰

一名枕骨

在完骨上枕骨下。搖動有空。○足少

陽太陽之會。○刺三分。灸三壯。

主治四支轉筋。目痛頭項痛耳鳴。癰疽發熱。手足煩熱汗不出。欬逆喉痺。舌強脇痛口苦。

完骨 在耳後入髮際四分。○足太陽少陽之會。

刺三分。留七呼。灸三壯。

主治頭痛頭風。耳鳴齒齲。牙車急。口眼喎斜。喉痺頰腫。癭疾便赤。足痿不收。

本神 在曲差旁一寸五分。一曰直耳上入髮際四分。○足少陽陽維之會。○刺三分。灸七壯。

主治驚癇吐沫。目眩項強急痛。胸脇相引。不得轉側。偏風癩疾。

百證賦云兼身柱治癩疾效。

陽白 在眉上一寸直瞳子。○甲乙經曰。足少陽

陽維之會。氣府論王氏註曰。足陽明陰維二脉之會。○刺二分。灸三壯。

主治頭痛目昏多眵。背寒慄。重衣不得温。

臨泣。在目上直入髮際五分陷中。正睛取之。○

足太陽少陽陽維三脉之會。○刺三分。留七呼。

灸三壯。一日禁灸。

主治鼻塞。目眩生翳。眵眦冷淚。眼目諸疾。驚癇。

反視。卒暴中風不識人。脇下痛。瘡疾。日西發。

百證賦云兼頭維。可治目中淚出。

目窻

一名至榮

在臨泣後一寸。○足少陽陽維之會。

○刺三分。灸五壯。

主治頭目眩痛引外背。遠視不明。面腫。寒熱汗不出。

正營。在目窻後一寸。○足少陽陽維之會。○刺

三分。灸三壯。

主治頭痛目眩齒齲痛。唇吻強急。

承靈。在正營後一寸五分。○足少陽陽維之會。

○刺三分。灸五壯。一日禁鍼。

主治腦風頭痛。惡風鼻塞不通。

腦空

一名顛顛

在承靈後一寸五分。夾玉枕骨下陷

中。氣府論王氏註曰。夾枕骨後枕骨上。○足少陽陽維之會。○刺四分。灸五壯。

主治勞瘵身熱羸瘦。腦風頭痛不可忍。項強不

得顧。目瞑鼻衄耳聾。驚悸癲風。引目眇鼻痛。

昔魏公苦患頭風發即心亂目眩。華陀刺此

立愈。

風池

在耳後顛顛後。腦空下髮際陷中。按之引

耳。一云耳後陷中。後髮際大筋外廉。○足少陽

陽維之會。○刺四分。灸三壯七壯。炷不用大。

主治中風偏正頭痛。傷寒熱病汗不出。瘧瘧。頸

項如拔痛不得回。目眩赤痛淚出。軌衄耳聾。

腰背俱痛。偃僕引項。筋力不收。脚弱無力。

千金云治瘦氣灸百壯。

太乙歌云。兼環跳間使治瘧疾。○又云兼風府

取之。治傷寒。

玉龍賦云。兼絕骨。可療偃僕。

席弘賦云。尋到風府風池治傷寒百病。

通玄賦云。頭暈目眩覓風池。

捷徑云治溫病煩滿汗不出。

一傳治中風不語牙關緊閉湯水不能入口。

肩井一名膊井

在肩上陷解中。缺盆上大骨前一寸

半。以三指按取之。當中指下陷者中。○手足少

陽足陽明陽維之會。○刺五分。灸三壯。孕婦禁

鍼。○一曰。此足陽明之會。連五藏氣。若刺深令

人悶倒。速補三里。須臾平復。凡鍼肩井者。皆以

三里下其氣。一曰。此藏氣所聚之處。不宜補

主治中風氣塞。涎上不語。氣逆。五勞七傷。頭項

頸痛。臂不能舉。或因撲傷腰痛。脚氣上攻。若

婦人難產。墜胎後手足厥逆。鍼之立愈。若灸

更勝。

千金云。凡產難。鍼兩肩井一寸。寫之。須臾即生。

○又云。臂重不舉。灸隨年壯。至百壯。刺五分

補之。○又治卒忤。灸百壯。○又治上氣欬逆

短氣。風勞百病。灸二百壯。○又灸癩疔。隨年

壯。

席弘賦云鍼肩井須鍼三里。方可使氣調。

百證賦云治乳癰極效。

通玄賦云除兩臂之不勝。

標幽賦云兼曲池甄權刺臂痛而復射。

天星秘訣云兼三里陽陵。治脚氣痠痛。

淵腋

一名泉腋

在腋下三寸宛宛中。舉臂取之。○刺

三分禁灸。灸之不幸。生腫蝕馬刀瘍。內潰者死。

主治寒熱馬刀瘍。胸滿無力。臂不舉。

輒筋

在腋下三寸復前行一寸着脇。○刺六分。

灸三壯。

主治太息多唾。善悲。言語不正。四支不收。嘔吐

宿汗吞酸。胸中暴滿。不得臥。

日月

一名神光

在期門下五分。○氣府論註曰。在第

三肋端。橫直心蔽骨旁。各同身寸之二寸五分。

上直兩乳。○膽之募也。○足太陰少陽陽維之

會。○刺七分。灸五壯。

主治太息善悲。小腹熱。欲走多唾。言語不正。四

支不收。

千金云。嘔吐宿汁吞酸。灸神光百壯。三報之。

京門。一名氣俞
一名氣府

在監骨腰中季脇本夾脊。一云

在臍上五分旁九寸半季肋本夾脊。倒臥。屈上足伸下足。舉臂取之。○腎之募也。○刺三分。留七呼。灸三壯。一云刺八分。

主治腸鳴洞泄。水道不利。少腹急痛。寒執。肩背腰髀引痛。不得俛仰。久立。

帝脉。在季脇下一寸八分陷中。一云在臍旁八

寸半。肥人九寸。瘦人八寸。如帶繞身。管束諸經。

○足少陽帶脉之會。○刺六分。灸五壯。

主治腰腹縱水狀。婦人小腹痛急。瘕瘕。月經不調。帶下赤白。兩脇氣引背痛。

玉龍賦云。合關元多灸。堪攻腎敗。

五樞。在帶脉下三寸。一曰在水道旁一寸半陷

中。○足少陽帶脉之會。○刺一寸。灸五壯。

主治疝癰。小腸膀胱氣。攻兩脇小腹痛。腰腿痛。陰疝。辜丸上入腹。婦人赤白帶下。

玉龍賦云兼背縫治肩脊痛。

維道

一名外樞

在章門下五寸三分。一曰在中極旁

八寸五分。○足少陽帶脉之會。○刺八分。灸三

壯。

主治嘔逆不止。三焦不調。不食。水腫。

居膠 在章門下八寸三分。監骨上陷中。○足少

陽陽蹻之會。○刺八分。灸三壯。

主治肩引胸臂。攣急不得舉。腰引小腹痛。

玉龍賦云兼環跳委中。治腿風濕痛。

環跳 在髀樞中。側臥伸下足。屈上足取之。○足

少陽太陽之會。○刺一寸。留十呼。灸三壯。甲乙

經云。留二十呼。灸五十壯。

主治冷風濕痺不仁。胸脇相引。半身不遂。腰膝

痠痛。膝不得伸。遍身風疹。

太乙歌云兼風池間使。能除冷風膝痺并瘡疾。

玉龍賦云兼居膠委中。治腿風濕痛。

天星秘訣云兼陽陵。治冷風濕痺。

百證賦云兼後谿。刺腿痛。

標幽賦云中風宜刺此。○又云華陀兼絕骨刺。覺足而立行。

席弘賦云兼腰俞。用燒鍼治冷風冷痺。

千金十一穴云兼陽陵。治膝間并腋脇病。

馬丹陽天星十二穴云。能鍼偏廢軀。折腰莫能

顧。冷風并濕痺。身體似繩拘。腿膝連膈痛。屈

轉重欬吁。若人能鍼灸。頃刻病消除。○增治

法云。治偏風半身不遂。胸脇相引。急痛不能

屈伸。

中瀆 在髀骨外。膝上五寸分肉間陷中。○足少

陽絡。別走厥陰。○刺五分。留七呼。灸五壯。

主治寒氣客於分肉間。攻痛上下。筋痺不仁。

陽關 在陽陵泉上三寸。犢鼻外陷中。○刺五分。

禁灸。

主治風痺不仁。股膝冷痛。不可屈伸。

陽陵泉 在膝下一寸外廉陷中。尖骨前筋骨間。

蹲坐取之。○足少陽所入為合。○為筋之會。○

刺六分。留十呼。灸七壯至七七壯。

主治偏風。半身不遂。足膝冷痺不仁。無血色。脚氣筋攣。

神農經云。治足膝冷痺不仁。屈伸不得。半身不遂。脇肋疼痛。可灸十四壯。至二十一壯。

玉龍賦云。兼陰陵。驅膝腫之難消。

席弘賦云。專治膝間疼痛。宜用鍼燒。○又云。脚

痛膝腫。鍼三里。又須絕骨。二陵。三陰交。更兼

太衝以行氣。

百證賦云。遠達曲池。治半身不遂。

通玄賦云。治脇下肋邊疾。

天星秘訣云。兼環跳。治冷風濕痺。○又云。兼肩

井三里。治脚氣痠痛。

千金十一穴云。環跳與陽陵。治膝前兼腋脇病。

馬丹陽天星十二穴云。治膝腫并麻木。冷痺及

偏風。起坐腰背重。面腫滿胸中。舉足不能起。

坐臥似衰翁。刺入六分止。神功妙不同。○增

治法云。治筋軟筋縮筋疼。寒熱頭疼。口舌咽

喉中及頭面腫。胸脇脹滿。心中怵惕。此為筋

會故治筋病。

陽交

一名別陽
一名足膠

在足外踝上七寸。斜屬三陽分

肉間。○陽維之郄。○刺六分。留七呼。灸三壯。

主治胸滿喉痺。膝痛足不仁。寒厥驚狂。面腫。

外丘 在外踝上七寸。○甲乙經曰足少陽郄。○

刺三分。灸三壯。

主治頸項痛。胸滿。痿痺癩風。惡犬傷毒不出。

百證賦云能收大腸。

光明 在外踝上五寸。○足少陽絡。別走厥陰。○

刺六分。留七呼。灸五壯。

主治熱病汗不出。卒狂嚙頰。淫瀦脛脰痛。不能

久立。虛則痿痺偏細。坐不能起。實則足脰熱

膝痛。身體不仁。

席弘賦云。晴明治眼未效時。合谷光明不可缺。

標幽賦云兼地五會。治眼癢痛。

陽輔

一名分肉

在足外踝上。除骨四寸。輔骨前絕骨

端如前三分。刺腰痛論註曰。如後三分。去丘墟

七寸。筋肉分間。○氣穴論註曰。陽維脉氣所發。

○足少陽所行為經。○刺三分。留七呼。灸三壯。主治腰溶溶如水浸。膝下膚腫筋攣。百節痠疼。痿痺。馬刀厥逆。頭項痛。喉痺。汗不出。及汗出。振寒。痲瘡。腰脘痠痛。不能行立。

神農經云。治膝脘痠疼。偏風不隨。可灸十四壯。

懸鍾一名絕骨

在足外踝上三寸。當骨尖前動脈中。

尋按取之。鍼灸經曰。尋摸尖骨者。乃是絕骨。兩分開。為足三陽之大絡。按之陽明脈絕。乃取之。

○為髓之會。○刺六分。留七呼。灸五壯。

主治心腹脹滿。胃熱不食。喉痺欬逆。頭疽。中風。虛勞。頸項痛。手足不收。腰膝痛。脚氣筋骨攣。

玉龍賦云。兼三里陰交。治連延脚氣。○又云兼

風池。療偃僂。

席弘賦云。脚氣膝腫。鍼三里。又須此穴。兼二陵。

三陰交。及太衝行氣。

標幽賦云。兼環跳。華陀刺臂足而立行。

天星秘訣云。兼條口。衝陽。治足緩難行。

丘墟。在足外踝下。如前陷中。去臨泣三寸。○足

少陽所過為原。○刺五分。留七呼。灸三壯。

主治胸脇滿痛不得息。寒熱。目生翳膜。頸腫。久

瘧振寒。痿厥腰腿痠痛。髀樞中痛。轉筋足脛

偏細。小腹堅卒疝。

神農經云。治肋下疼不得息。小腹腎痛。脚腕疼

可灸七壯。

玉龍賦云。兼商丘解谿。堪追脚痛。

靈光賦云。髀樞疼痛。寫丘墟。

百證賦云。兼金門。能醫轉筋。

臨泣 在足小指次指本節後間陷中。去夾谿一

寸五分。○足少陽所注為膈。○刺二分。留五呼。

灸三壯。

主治胸滿氣喘。目眩心痛。缺盆中及腋下馬刀

瘍。痺痛無常。厥逆。痲瘡。日西發者。淫灑。疔痲。

洒淅振寒。婦人月經不利。季脇支滿乳癰。

一云木。有餘者宜寫此。或兼陽輔。使火虛。而

木自平。

千金云。頸漏腋。下馬刀。灸百壯。

玉龍賦云兼內庭能理小腹之臍

捷法云治足跗腫痛不消手足麻痺不知痛癢

手足顫掉不能握物行動手足指拘攣疼痛

足心足踝足跗膝筋發熱或為紅腫兩手發

熱臂膊痛連肩背腰脊腿膝疼痛白虎歷節

走注遊風疼痛浮風渾身搔癢頭項紅腫強

痛腎虛控閃腰痛舉動艱難諸虛百損濕滯

四支行動無力脇下肝積氣塊刺痛○已上

諸證先以臨泣為主後隨證分穴治之

地五會 在足小指次指本節後陷中去俠谿一

寸○刺一分禁灸甲乙經曰灸之令人瘦不出

三年死

主治腋痛內損吐血足外無膏脂乳癰

席弘賦云兼三里治耳內蟬鳴腰欲折

標幽賦云兼光明治眼癢眼疼

天星秘訣耳內蟬鳴先五會次鍼耳門三里內

俠谿 在足小指次指本節前岐骨間陷中○足

少陽所溜為榮○刺三分留三呼灸三壯

主治胸脇支滿寒熱病汗不出目赤頰腫胸痛
耳聾

百證賦云兼陽谷治頰腫口噤

竅陰 在足小指次指端去爪甲如韭葉○足少

陽所出為井○刺一分留三呼灸三壯

主治脇痛欬逆不得息手足煩熱汗不出癰疽

口乾頭痛喉痺舌強耳聾轉筋肘不能舉

足厥陰肝經穴

肝經穴歌

足厥陰經一十四大敦行間太衝是中封蠡溝
伴中都膝關曲泉陰包次五里陰廉上急脉章
門財過期門至

大敦 在足大指端去爪甲如韭葉及三毛中一

云內側為隱白外側為大敦○足厥陰所出為

井○刺二分留十呼灸三壯

主治卒心痛汗出腹脹腫滿中熱喜寐五淋七

疝。小便頻數不禁。陰痛引小腹。陰挺出血崩。尸厥如死。病左取右。病右取左。孕婦產前產後。皆不宜灸。○一云凡疝氣腹脹足腫者。皆宜灸之。以泄肝木。而脾胃之土自安。

玉龍賦云兼期門能治堅疝疝氣。

千金云大便難灸四壯。○又治五淋灸三十壯。

○又失尿不禁灸七壯。小兒灸一壯。○又尿血灸隨年壯。

席弘賦云大便秘結宜燒此。

百證賦云兼照海善蠲寒證。

通玄賦云能除七疝之偏墜。

天星秘訣云兼長強治小腸氣痛。

乾坤生意云兼三陰交治小腸氣痛。○又治一切冷氣連臍腹結痛小便遺溺。

行間 在足大指間動脈應手陷中。一云在足大

指次指岐骨間。上下有筋。前後有小骨尖。其穴

正居陷中。有動脈應手。○足厥陰所溜為榮。○

刺三分。留十呼。灸三壯。

主治嘔逆欬血。心胸痛。腹脇脹。色蒼蒼如死狀。終日不得息。中風口喎四逆。嗑乾煩渴。瞑不欲視。目中淚出。太息癩疾。短氣。肝積肥氣。痰瘧洞泄。遺尿。癰閉崩漏。白濁。寒疝。少腹腫。腰痛。不可俛仰。小兒驚風。○一曰主便赤溺難。白濁。胸背心腹脹痛。寫行間火而熱自清。木氣自下。

神農經云。治小腹痛。心疼寒濕肺氣。可灸七壯。千金云。小兒重舌。灸行間。隨年壯。○又莖中痛。

灸五十壯。○又失尿不禁。灸七壯。

百證賦云。兼精明。可治雀目汗氣。○又云兼湧泉。療消渴。

通玄賦云。治膝腫腰疼。

捷法云。兼臆中水分關元三里三陰交。治血蠱。

太衝 在足大指本節後二寸。一云一寸五分內間陷者

中。動脈應手。一云在足大指本節後。行間上二寸內間有絡。亘連至地五會二寸骨罅間。動脈應手陷中。○足厥陰所注為脗。即原也。○刺三

分。留十呼。灸三壯。

主治虛勞嘔血。恐懼氣不足。嘔逆發寒。肝瘧令

人腰痛。嗑乾胸脇支滿。太息浮腫。小腹滿腰

引少腹痛。足寒。或大小便難。陰痛遺溺澹泄。

小便淋癢。小腹疝氣。腋下馬刀瘍瘻。疝痿踝

痛。女子月水不通。或漏血不止。小兒卒疝。

神農經云。治寒濕脚氣痛。行步難。可灸三壯。

千金云。產後出汗不止。刺太衝急補之。○又云

凡上氣冷發。嘔逆不食。腹中雷鳴。不限壯數

從痛灸至不痛止。炷如雀矢。○又治氣短下

氣灸五十壯。此穴并主肺痿。○又治不得尿

灸五十壯。○又治虛勞浮腫灸百壯。

席弘賦云。兼合谷。治并連肩脊痛難忍。○又兼

百會照海陰交。治咽喉疾。○又治脚痛膝腫

鍼三里懸鍾三陰交二陵。更向太衝引氣。

標幽賦云。能除心脹咽痛。

通玄賦云。治行步難移最奇。

馬丹陽天星十二穴云。能治生死病。能醫驚癇

風咽喉并心脹。兩足不能動。七疝偏墜腫。眼目似雲矇。亦能療腰痛。鍼下有神功。

中封

一名懸泉

在足內踝前一寸。筋裏宛宛中。一云

在內踝前一寸。斜行小脉上。貼足腕上大筋陷

中。仰足取之。○足厥陰所行為經。○刺四分。留

七呼。灸三壯。千金云五十壯。

主治痲瘡。色蒼蒼然。善太息。如將死狀。振寒洩

白大便難。小腹腫痛。五淋。足厥冷。不嗜食。身

體不仁。寒疝痿厥。筋攣。失精。陰縮入腹。相引

痛。或身微熱。○一云能止汗出。

千金云。夢泄遺精。陰縮。灸五十壯。○又治五淋

不得尿。灸二七壯。○又治鼓脹。灸二百壯。○

又治瘦氣。灸隨年壯。

玉龍賦云。合三里。治行步艱楚。

蠶溝

一名交儀

在足內踝上五寸。○足厥陰絡。別走

少陽。○刺二分。留三呼。灸三壯。

主治疝痛。小腹滿痛。癰閉。臍下積氣如石。數噫

恐悸。少氣。足脛寒痠。屈伸難。腰背拘急。不可

俛仰。月經不調。滲下赤白。

中都 一名中郄

在足內踝上七寸。當胫骨中。與少陰

相直。○足厥陰郄。○刺三分。留六呼。灸五壯。

主治腸癰。癰疽。小腹痛。濕痺。足熱。脛寒。不能行

立。婦人崩中。產後惡露不絕。

膝關

在犢鼻下二寸旁陷者中。○刺四分。灸五

壯。

主治風痺。膝內腫痛。引臏。不可屈伸。及寒濕走

注。白虎歷節風痛。不能舉動。咽喉中痛。

曲泉

在膝內輔骨下。大筋上小筋下陷中。屈膝

橫支頭取之。○足厥陰所入為合。○刺六分。留

七呼。灸三壯。

主治癰疽。陰股痛。小便難。少氣泄痢。膿血。腹脇

支滿。膝痛筋攣。四支不舉。不可屈伸。風勞失

精。身體極痛。膝脛冷。陰莖痛。實則身熱。目痛。

汗不出。目眈眈。發狂。衄血。喘呼。痛引咽喉。女

子陰挺出。少腹痛。陰癢。血痕。

千金云。男子失精。膝脛冷疼。灸百壯。

席弘賦云兼照海陰交。更求氣海關元同寫。治七疝小腹痛神效。

陰包 在膝上四寸。股內廉兩筋間。蹠足取之。看膝內側有槽者中。○足厥陰別走者。○刺六分。灸三壯七壯。

主治腰尻引小腹痛。小便難。遺尿。月水不調。五里 在氣衝下三寸。陰股中動脈應手。千金翼曰。在陰廉下二寸。○刺六分。灸五壯。

主治腸風熱閉不得溺。風勞嗜臥。四支不能舉。

陰廉 在羊矢下斜裏三分直上。去氣衝二寸。動

脈陷中。羊矢。在陰旁股內約文縫中。皮肉間有核如羊矢。○刺八分。留

三呼。灸三壯。

主治婦人不妊。若經不調。未有孕者。灸三壯。即有子。

急脈 氣府論曰。厥陰毛中急脈各一。王氏註曰

在陰毛中。陰上兩旁相去同身寸之二寸半。按之隱指堅然。甚按則痛引上下。其左者中寒。則上引少腹下引陰丸。善為痛為小腹急中寒。此

兩脉皆厥陰之大絡。通行其中。故曰厥陰急脉。即舉之系也。可灸而不可刺。病疝小腹痛者。即
可灸之。○按此穴自甲乙經以下諸書皆無。是
遺誤也。經脉篇曰。足厥陰循股陰入毛中。過陰
器。又曰其別者循脛上舉結於莖。然此實厥陰
之正脉。而會於陽明者也。今增入之。

章門

一名長平
一名脇膠

在大橫外直臍季肋端側臥屈

上足伸下足舉臂取之。一云肘尖盡處是穴。一

云在臍上一寸八分兩旁各八寸半季肋端。一

云在臍上二寸兩旁各六寸。寸法以胸前兩乳
間橫折八寸約取之。○脾之募也。○為藏之會。
○足厥陰少陽之會。○刺六分。留六呼。灸三壯。
一云百壯。

主治兩脇積氣如卵石。膨脹腸鳴食不化。胸脇
痛。煩熱支滿。嘔吐欬喘。不得臥。腰脊冷痛。不
得轉側。肩臂不舉。傷飽身黃。瘦弱泄瀉。四支
懈惰。善恐。少氣厥逆。

難疏曰藏會季肋藏病治此。

千金云。奔豚積聚。堅滿脹痛。吐逆不下食。腰脊冷疼。小便白濁。灸脾募百壯。三報之。○又治狂走癲癩。灸三十壯。○又尿血。灸百壯。○又治石水。灸然谷氣衝四滿章門。百證賦云。治胸脇支滿。一傳治久瀉不止。癖塊脹疼。期門。在不容旁一寸五分。上直乳第二肋端。○肝之募也。○足厥陰太陰陰維之會。○刺四分。灸五壯七壯。

主治傷寒。胸中煩熱。奔豚上下。目青而嘔。霍亂瀉痢。腹鞭胸脇積痛。支滿嘔酸。善噫食不下。喘不得臥。○一婦人患傷寒熱入血室。醫者不識。許學士曰。小柴胡以遲。當刺期門。予不能鍼。請善鍼者鍼之。如言而愈。千金云。主奔豚。灸百壯。上氣欬逆。胸滿痛徹胸背。灸巨闕期門各五十壯。玉龍賦云。兼大敦。能治堅痙疝氣。席弘賦云。期門穴主傷寒患。六日過經猶未汗。

但向乳根二肋間。又治婦人坐產難。
 百證賦云兼溫溜。治傷寒項強。
 通玄賦云。期門退胸滿血膨而可止。
 天星秘訣云。兼三里治傷寒過經不出汗。
 捷徑云治產後噎。

任脉穴

任脉穴歌

任脉中行二十四。會陰潛伏兩陰間。曲骨之前
 中極在。關元石門氣海邊。陰交神闕水分處。下
 脘建里中脘前。上脘巨關連鳩尾。中庭臚中玉
 堂裏。紫宮華蓋運璇璣。天突廉泉承漿止。

會陰

一名屏翳

在大便前。小便後。兩陰之間。○任脉

別絡。俠督脉衝脉之會。○一云任督衝三脉所
 起。任由此而行。腹督由此而行。背衝由此而行。

少陰之分。○刺二寸留三呼。灸三壯。一日禁刺。惟卒死者鍼一寸補之。溺死者令人倒馱出水。用鍼補之。尿尿出則活。餘不可鍼。

主治陰汗陰中諸病。前後相引痛不得大小便。穀道病久痔相通。男子陰寒衝心。女子陰門痛經不通。

一傳治婦人產後昏迷不省人事。

曲骨。在臍骨上中極下一寸毛際陷中動脈。○任脈足少陰之會。○刺一寸五分留七呼。灸三

壯。一日刺八分。灸七壯。至七七壯。

主治小腹脹滿。水腫。小便淋瀝。血癢癢疝。小腹

痛失精虛冷。婦人赤白帶下。

千金云水腫脹灸百壯。

中極。一名玉泉。一名氣原。在臍下四寸。○膀胱募也。○足

三陰任脈之會。○刺八分留十呼。灸三壯。一日可灸百壯。至三百壯。○孕婦不可灸。

主治陽氣虛憊。冷氣時上衝心。尸厥恍惚。失精無子。腹中臍下結塊。水腫奔豚。疝瘕五淋。小

便赤澁不利。婦人下元虛冷。血崩白濁。因產惡露不行。胎衣不下。經閉不通。血積成塊。子門腫痛。轉脬不得小便。

神農經云。治血結成塊。月水不調。產後惡露不止。臍下積聚疼痛。血崩不止。可灸十四壯。

太乙歌云。兼氣海中極。三里刺。治小腹便澀。千金云。妊不成。數墮落。灸玉泉五十壯。三報之。

○又云為婦人斷緒最要穴。○又云腹脹水腫堅滿。灸百壯。○又云腰痛小便不利。轉胞。

灸七壯。

關元 一名次門 一名下紀 在臍下三寸。○此穴當人身上

下四旁之中。故又名大中極。乃男子藏精。女子畜血之處。○小腸募也。○足三陰陽明任脉之

會。○刺八分。留七呼。灸七壯。甲乙經云。刺二寸。氣府論註曰。刺一寸二分。一日可灸百壯。至三

百壯。○千金曰。婦人刺之則無子。主治積冷諸虛百損。臍下絞痛。漸入陰中。冷氣

入腹。少腹奔豚。夜夢遺精白濁。五淋七疝。洩

血小便赤澁遺瀝轉胞不得溺婦人帶下痕
 聚經水不通不妊或妊娠下血或產後惡露
 不止或血冷月經斷絕○一云但是積冷虛
 乏皆宜灸孕婦不可鍼鍼之則落胎如不落
 更鍼崑崙則立墜○一云治陰證傷寒及小
 便多婦人赤白帶下俱當灸此多者千餘壯
 少亦不下二三百壯活人多矣然瀕頻次灸
 之仍下兼三里故曰若要丹田安三里不
 會乾

神農經曰治瘰癧氣痛可灸二十一壯。

千金云治瘦癧灸五十壯○又久痢百治不瘥
 灸三百壯分十日灸之并治冷痢腹痛及臍
 下結痛流入腸中發作無時仍灸天井百壯
 ○又治霍亂灸三七壯○又治氣淋石淋癩
 疝及臍下三十六種疾灸五十壯至百壯○
 又云胞門閉塞絕子灸關元三十壯報之
 玉龍賦云合湧泉豐隆為治尸勞之例○又云
 兼帶脉多灸堪攻腎敗。

席弘賦云治小便不禁。○又云兼照海陰交曲

泉氣海同寫。治七疝痛如神。

百證賦云無子收陰交石關之鄉。

一傳治婦人產後血氣痛子宮不成胎。

石門

一名命門。一名丹田。一名精露。一名利機。

在臍下二寸。○三焦

募也。○刺六分。留七呼。灸五壯。一日灸二七壯

至百壯。一云不宜多灸令人敗傷。○婦人禁刺

灸犯之終身絕孕。

主治腹脹堅靱。水腫支滿。氣淋小便黃赤不利。

小腹痛泄瀉不止。身寒熱欬逆上氣嘔血卒

疝疼痛。婦人因產惡露不止。遂結成塊。崩中

漏下血淋。

千金云大腸閉塞氣結心下堅滿灸百壯。○又

治少腹絞痛洩痢不止。灸丹田百壯三報之。

○又治血淋灸隨年壯。○又治水腫人中滿。

灸百壯。

一傳欲絕產灸臍下二寸三分。陰動脈中三壯。

氣海

一名臍腴。一名下育。

在臍下一寸半宛宛中。○育之

原也。為男子生氣之海。○刺八分。灸五壯。甲乙經曰刺一寸三分。一日灸百壯。○孕婦不可灸。主治下焦虛冷。上衝心腹。或為嘔吐不止。或陽虛不足。驚恐不臥。奔豚七疝。小腸膀胱癥瘕。結塊。狀為覆杯。臍下冷氣。陽脫欲死。陰證傷寒。卵縮四肢厥冷。小便赤澀。羸瘦白濁。婦人赤白帶下。月事不調。產後惡露不止。繞臍疔痛。小兒遺尿。○一云治卒厥厥氣上攻兩脇心下痛。奄奄欲絕。此名奔豚。先以熱湯洗兩

足浸良久。灸百壯。○此氣海也。凡藏氣憊。一切真氣不足。久疾不瘥者。悉皆灸之。

千金云治水洩痢及小腹癥積。腹脹。婦人癥聚。瘠瘦。灸氣海百壯。三報之。

玉龍賦云兼璇璣治疝瘕喘促。

席弘賦云治五淋瀝。夏鍼三里。○又兼水分治水腫。○又兼照海陰交。曲泉關元同寫。治七疝。小腹痛如神。

百證賦云鍼三陰與氣海。專司白濁久遺精。

靈光賦云兼血海療五淋。

一傳治小腸氣痛傷寒腹痛氣脹水鼓黃腫四時宜多灸。

昔柳公度曰吾養生無他術但不使元氣佐喜怒使氣海常溫爾。今人既不能不以元氣佐喜怒若能時灸氣海使溫亦其次也。予舊多病常若氣短醫者教灸氣海氣遂不促自是每歲一二次灸之則以氣怯故也。

陰交

一名少關
一名橫戶

在臍下一寸。一日當膀胱上際。

○三焦募也。○任衝少陰之會。○刺八分。灸五壯。一日灸百壯。○孕婦不可灸。

主治衝脉生病。從少腹衝心而痛。不得小便。疝痛陰汗。濕癢奔脉。腰膝拘攣。婦人月事不調。崩中帶下。陰癢產後惡露不止。繞臍冷痛。

神農經云治臍下冷疼。可灸二十一壯。

千金云大小便不通灸三壯。轉胞灸隨年壯。○

又治水腫氣上下灸百壯。

玉龍賦云兼三里水分。治鼓脹。

席弘賦云兼照海曲泉關元氣海同寫。治七疝
小腹痛如神。○又云治小腸氣撮痛連臍。急
寫此穴。更於湧泉取氣甚妙。○又云兼百會
太衝照海。治咽喉疾。

標幽賦云陰交陽別定血暈。

百證賦云兼三里治中邪霍亂。○又云無子取
陰交石關之鄉。

一傳治腹內風寒走痛脹疼。

神闕

一名氣舍

當臍中。○灸三壯禁刺。刺之令人惡

瘍潰矢死不治。一曰納炒乾淨鹽滿臍。上加厚
薑一片蓋定。灸百壯。或以川椒代鹽亦妙。

主治陰證傷寒。中風不省人事。腹中虛冷傷德。
腸鳴泄瀉不止。水腫鼓脹。小兒乳痢不止。腹
大風癩。角弓反張。脫肛。婦人血冷不受胎者。
灸此永不脫胎。○此穴在諸家俱不言灸。只
云禁鍼。銅人云宜灸百壯。有徐平者卒中不
省。得桃源為灸臍中百壯始甦。更數月復不
起。鄭糾云。有一親卒中風。醫者為灸五百壯。

而甦。後年逾八十。向使徐平灸至三五百壯。安知其不永年耶。故神闕之灸。須填細鹽。然後灸之。以多為良。若灸至三五百壯。不惟愈疾。亦且延年。若灸少。則時或暫愈。後恐復發。必難救矣。但夏月人神在臍。乃不宜灸。

千金云納鹽臍中灸三壯。治淋病。○又云凡霍亂納鹽臍中。灸二七壯。并治脹滿。

水分

一名分水
一名中守

在下腕下一寸。臍上一寸。○當

小腸下口。至是而泌別清濁。水液入膀胱。渣滓

入大腸。故曰水分。○禁刺。灸五壯。甲乙經曰。刺一寸。○孕婦不可灸。

主治水病腹堅。黃腫如鼓。衝胃不得息。繞臍痛。腸鳴泄瀉。小便不通。小兒陷顙。○若水病脹滿。堅鞅不能食。灸之大良。日七壯。至四百壯止。但不可刺。刺而水盡即死。

神農經云腹脹水腫。可灸十四壯。至二十一壯。千金云治反胃吐食。灸二十壯。○又治腹脹繞臍結痛。堅不能食。灸百壯。○又霍亂轉筋入

腹欲死。用四人持其手足。灸四五壯自不動。即勿持之。灸至十四壯。

太乙歌云。腹脹寫此兼三里陰谷。利水消腫。

玉龍賦云。兼陰交三里治鼓脹。

百證賦云。兼陰陵能去水腫盈臍。

席弘賦云。兼氣海治水腫。

天星秘訣云。兼建里治肚腹浮腫脹膨。

下腕 在建里下一寸臍上二寸。○當胃下口小

腸上口。足太陰任脉之會。○刺八分。灸五壯。一

曰二七壯至百壯。○孕婦不可灸。

主治臍上厥氣堅痛。腹脹滿。寒穀不化。虛腫癰

塊連臍。瘦弱少食。飢胃小便赤。

靈光賦云。兼中腕治腹堅。

百證賦云。兼陷谷能平腹內腸鳴。

建里 在臍上三寸。中腕下一寸。○刺五分。留十

呼。灸五壯。一云宜鍼不宜灸。孕婦尤忌之。

主治腹脹身腫。心痛上氣。腸鳴嘔逆不食。

千金云。主霍亂腸鳴腹脹。可刺八分。寫五吸。疾

出鍼。日灸二七壯至百壯。百證賦云兼內關。掃盡胃中之苦悶。

天星秘訣云兼水分。治肚腹腫脹。

中腕

一名太倉。一名胃腕。一名上紀。

在上腕下一寸。臍上四寸。

居岐骨與臍之中。○胃之募也。○為府之會。○

手太陽少陽足陽明所生。任脉之會。○刺八分。

灸七壯。一云二七壯至百壯。孕婦不可灸。

主治心下脹滿。傷飽食不化。五隔五噎。翻胃不

食。心脾煩熱疼痛。積聚痰飲。面黃。傷寒飲水

過多。腹脹氣喘。溫瘧。霍亂吐瀉。寒熱不已。或

因讀書得奔豚氣。上攻伏梁。心下寒癖結氣。

凡脾冷不可忍。心下脹滿。飲食不進。不化。氣

結疼痛。雷鳴者。皆宜灸之。○此為府會。故凡

府病者當治之。

千金云。虛勞吐血。嘔逆不下食。多飽多睡。百病

灸三百壯。○又治脹滿水腫。氣聚寒冷。灸百

壯。三報之。○又治奔豚。伏梁。冷氣。刺八分。留

七呼。寫五吸。仍日灸二七至四百壯。○又主

五毒注不能食飲。灸至千壯。○又治霍亂先
腹痛。灸二七壯。不瘥更二七壯。○又治中惡
灸五十壯。

玉龍賦云兼腕骨。療脾虛黃疸。○又云合上腕。
治九種心疼。

百證賦云主治積痢。

靈光賦云兼下腕治腹堅。

捷徑云治食噎。

上腕 在巨闕下一寸五分。去蔽骨三寸。臍上五

寸。○足陽明手太陽任脉之會。○刺八分。留七
呼。灸五壯。千金云日灸二七壯至百壯。三報之。
孕婦不可灸。

主治心中煩熱痛不可忍。腹中雷鳴。飲食不化。
霍亂。翻胃。嘔吐。三焦多涎。奔脉伏梁。氣脹積
聚。黃疸。心風。驚悸。嘔血。身熱汗不出。

神農經云治心疼積塊嘔吐。可灸十四壯。
玉龍賦云合中腕治九種之心疼。

太乙歌云兼豐隆。刺治心疼嘔吐。傷寒吐虻。

百證賦云合神門治發狂奔走。捷徑云治風癩熱病。虻蟲心痛。

巨闕 在鳩尾下一寸。○心之募也。○刺六分。留

七呼。灸七壯。一日刺三分。灸七七壯。

主治上氣欬逆。胃滿氣短。九種心疼。冷痛引少

腹。虻痛。痰飲欬嗽。霍亂腹脹。恍惚發狂。黃疸。

中隔不利。煩悶卒心痛。尸厥蠱毒。息賁嘔血。

吐痢不止牛癩。

千金云治吐逆不下食。灸五十壯。上氣胃滿卒

背徹痛灸五十壯。若霍亂心痛先吐灸二七

壯。未愈再二七壯。○又治卒忤灸百壯。

神農經云治心腹積氣。可灸十四壯。○又云治

小兒諸癩病。如口噦吐沫。可灸三壯。艾炷如

小麥。

百證賦云兼刺臆中。能除膈痛飲蓄難禁。

鳩尾 一名膈骨 一名尾翳

在臆前蔽骨下五分。人無蔽骨

者從岐骨際下行一寸。甲乙經曰一寸半。○膏

之原也。○禁刺灸。一云可刺三分。灸三壯。此穴

大難下鍼。非甚妙高手。不可輕刺也。

主治心驚悸。神氣耗散。癲癩狂病。

席弘賦云。鳩尾能治五般癩。若下湧泉。人不死。

中庭。在臚中下一寸六分陷中。仰而取之。○刺

三分。灸五壯。

主治胃脇支滿。噎塞吐逆。食入還出。小兒吐乳。

臚中

一名元兒。一名上氣海。

在玉堂下一寸六分。橫兩乳

間陷中。仰臥取之。○禁刺。灸七壯。刺之不幸。令

人夭。甲乙經曰。刺三分。

主治一切上氣短氣。痰喘哮喘。欬逆噎氣。隔食

反胃。喉鳴氣喘。肺癰。嘔吐涎沫。膿血。婦人乳

汁少。○此氣之會也。凡上氣不下。及氣噎氣

隔氣痛之類。均宜灸之。

神農經云。上氣喘欬。可灸七壯。

千金云。胃痺心痛。灸百壯。上氣欬逆。灸五十壯。

玉龍賦云。兼天突。醫喘嗽。

百證賦云。兼巨闕。鍼之。能除膈痛。蓄飲難禁。

一傳治傷寒風痰壅盛。

玉堂

一名玉英

在紫宮下一寸六分陷中仰而取之。

○刺三分灸五壯。一云少灸。

主治胃膈滿痛。心煩欬逆。上氣喘急不得息。喉

痺咽壅。水漿不入。嘔吐寒痰。

百證賦云兼幽門能治煩心嘔吐。

紫宮 在華蓋下一寸六分陷中仰而取之。○刺

三分灸五壯。

主治胃脇支滿。膈痛。喉痺咽壅。水漿不入。欬逆

上氣吐血煩心。

華蓋 在璇璣下一寸陷中仰而取之。○刺三分

灸五壯。

主治欬逆喘急上氣哮嗽。喉痺。胃脇滿痛。水飲

不下。

神農經云治氣喘欬嗽。胃滿喘逆不能言語。可

灸七壯。

百證賦云兼氣戶。治脇肋疼痛。

璇璣 在天突下一寸陷中仰而取之。○刺三分

灸五壯。

主治胃脇滿欬逆上氣喘不能言喉痺咽腫水
飲不下。

玉龍賦云兼氣海治疝羸喘促。

席弘賦云治胃中有積兼三里功多。

百證賦云兼神藏治膈滿項強已試。

天突

一名玉戶

在結喉下三寸宛宛中○陰維任脉

之會○刺五分留三呼灸三壯甲乙經曰低頭
取之刺入一寸。

主治上氣哮喘欬嗽喉痺五噎肺癰吐咯膿血。

咽腫暴瘖身寒熱咽乾舌下急不得下食。

神農經云治氣喘欬嗽可灸七壯。

玉龍賦云兼膻中醫欬嗽。

靈光賦云治喘痰。

百證賦云兼肺俞治欬嗽連聲。

千金云治上氣氣悶咽塞聲壞灸五牛壯。

廉泉

一名本池一名舌本

在頷下結喉上中央舌本下仰

而取之○陰維任脉之會○按刺瘡論所載曰
舌下兩脉者廉泉也氣府論曰足少陰舌下各

一衛氣篇曰足少陰之標在背膂與舌下兩脉。然則廉泉非一穴當是舌根下之左右泉脉而。且為足少陰之會也。○刺三分留三呼灸三壯。主治欬嗽喘息上氣吐沫舌縱舌下腫難言舌根急縮不食涎出口瘡。

百證賦云兼中衝堪攻舌下腫痛。

承漿

一名天池
一名懸漿

在頤前下脣稜下陷中○足陽

明任脉之會○刺二分留五呼灸三壯

主治偏風半風不遂口眼喎斜口禁不開暴瘡

不能言刺三分徐徐引氣而出及治任之為病其苦內結男子為七疝女子為瘕聚○一云療偏風口喎面腫消渴飲水不休口齒疳蝕生瘡灸之亦佳日可七壯至七七壯止即血脉宣通其風應時立愈艾炷不必大但令當脉即能愈疾。

千金云小兒唇緊灸三壯○又云凡噦令人惋恨灸七壯炷如小麥○又十三鬼穴云此名鬼市治百邪癲狂當在第八次下鍼。

百證賦云寫牙疼而即移。

通玄賦云治頭項強。

[Faint bleed-through text from the reverse side of the page, including characters like '百證賦', '通玄賦', and '寫牙疼']

督脉穴

督脉穴歌

督脉行背之中行。二十八穴始長強。腰俞陽關入命門。懸樞脊中中樞長。筋縮至陽歸靈臺。神道身柱陶道開。大椎痙門連風府。腦戶強間後頂排。百會前頂通顙會。上星神庭素膠對。水溝兌端在脣上。斷交上齒縫之內。
○凡取脊間督脉諸穴。當於骨節突處取之。但驗於魚骨。為可知也。若取於節下。必不見效。

長強

一名氣之陰郄。一名撮骨。靈樞謂之窮骨。亦名骨骹。

在脊骹骨端。伏

地取之。○督脉之絡。别走任脉。足少陰所結。○

刺二分。留七呼。灸三壯。甲乙經曰。刺三分。一云

日灸三十壯。至二百壯止。忌冷食房勞。

主治腰脊強急。不可俛仰。狂病。大小便難。腸風

下血。五痔。五淋。下部痔蝕。洞泄。失精。嘔血。小

兒顛陷。驚癇。瘕瘕。脫肛。瀉血。此穴為五痔之

本。○一經驗治少年注夏。羸瘦。灸此最效。

千金翼云。治赤白下痢。灸窮骨頭百壯。多多惟

不佳。○又下漏。五痔。痔蟲食下部。刺三分。伏地

取之。以大痛為度。灸亦良。日三十壯。至七百

止。但不及鍼。○又灸尾翠骨七壯。治脫肛。神

良。千金作龜尾。即窮骨也。

玉龍賦云。兼承山。灸痔最妙。

席弘賦云。連大杼。行鍼。治小腸氣痛。○又云。小

兒脫肛。患多時。先灸百會。後長強。

百證賦云。兼百會穴。專治脫肛。○又云。刺長強

與承山。善主腸風新下血。

靈光賦云百會龜尾治痢疾。

天星秘訣云兼大敦治小腸疝氣。

腰俞 一名腰柱。一名背解。一名腰戶。一名髓空。 在二十一椎節下間

宛宛中。○刺二分留七呼。灸五壯。一日刺五分。

灸七七壯。

主治腰脊重痛。不得俛仰舉動。腰以下至足冷

痺不仁。強急不能坐臥。灸隨年壯。溫瘧汗不

出。婦人經閉溺赤。灸後忌房勞強力。

千金云。腰卒痛去窮骨上一寸。灸七壯者即此。

席弘賦云兼環跳燒鍼治冷風冷痺。

陽關 在十六椎節下間。伏而取之。甲乙經無此穴。 ○刺

五分。灸三壯。

主治膝痛不可屈伸。風痺不仁。筋攣不行。

命門 一名屬累。 在十四椎節下間。伏而取之。一云平

臍。用線牽而取之。○刺五分。灸三壯。一日刺三

分。灸二十七壯。若年二十以上者。灸恐絕子。

主治腎虛腰痛。赤白帶下。男子泄精耳鳴。手足

冷痺。癱疝。驚恐頭眩。頭痛如破。身熱如火。骨

蒸汗不出。痰瘧瘕癥。裏急腹痛。

千金云腰痛不得動者。令病人正立。以竹杖拄

地。度至臍。乃取杖度背脊。灸杖頭盡處。隨年

壯良。丈夫痔漏下血。脫肛不食。長洩痢。婦人

崩中去血。帶下淋濁赤白。皆灸之。此俠兩傍

各一寸。橫三間寸灸之。

神農經云治腰痛可灸七壯。

玉龍賦云治老人便多。兼腎俞著艾。

標幽賦云兼肝俞。能使瞽士視秋毫之末。

一俗傳以此穴灸寒熱多效。

懸樞 在十三椎節下間。伏而取之。○刺三分。灸

三壯五壯。

主治腰脊強不得屈伸。腹中積氣。上下疼痛。水

穀不化。瀉痢不止。

脊中

一名神宗
一名脊俞

在十一椎節下間。俛而取之。○

刺五分。禁灸。灸則令人僂。

主治風癩癩邪。腹滿不食。五痔積聚。下痢。小兒

痢下赤白。秋末脫肛。每廁則肛痛不可忍。者。

灸之亦無妨。

中樞 在第十椎節下間。俛而取之。○此穴諸書

皆失之。惟氣府論督脉下王氏註中有此穴。及

考之氣穴論曰。背與心相控而痛。所治天突與

十椎者。其穴即此。○刺五分。禁灸。灸之令人腰

背偃。○一傳云。此穴能退熱。進飲食。可灸三

壯。常用常效。未見偃。○

筋縮 在九椎節下間。俛而取之。○刺五分。灸三

壯。五壯。

主治癩疾驚狂。脊強風癩。目上視。

百證賦云。兼水道專治脊強。

至陽 在七椎節下間。俛而取之。○刺五分。灸三

壯。

主治腰脊強痛。胃中寒。不食。少氣。難言。胃脇支

滿。羸瘦。身黃。淫。溼。脛痠。四支重痛。寒熱解。休

○一云灸。三壯。治喘氣立已。

神農經云。治寒熱脛痠。四支重痛。欬嗽。可灸三

壯。至七壯。

玉龍賦云却疽治神疲。

靈臺 在六椎節下間。俛而取之。○刺三分。灸三

壯。○甲乙經無此穴。出氣府論註。

主治今俗以灸氣喘不能臥。及風冷久嗽。火到

主便愈。

神道 在五椎節下間。俛而取之。○刺五分。留五

呼。灸五壯。一日可灸七七壯。至百壯。禁鍼。

主治傷寒頭痛寒熱往來。痰瘧悲愁健忘驚悸。

牙車急。張口不合。小兒風癇瘈瘲。可灸七壯。

百證賦云兼心俞。治風癇常發自寧。

身柱 在三椎節下間。俛而取之。○刺五分。留五

呼。灸五壯。一日灸七七壯。

主治腰脊痛。癲癇狂走。怒欲殺人。瘈瘲身熱。妄

言見鬼。小兒驚癇。

神農經云治欬嗽。可灸十四壯。

玉龍賦云能蠲嗽除脊痛。

百證賦云兼本神穴。治癲疾妙。

乾坤生意云同陶道。肺俞膏肓。治虛損五勞七

傷緊要法

一傳治四時傷寒

陶道 在大椎節下間俯而取之。○督脉足太陽

之會。○刺五分。留五呼。灸五壯。一日刺三分。

主治痰瘧寒熱洒淅脊強煩滿汗不出頭重目

瞑瘈瘲恍惚不樂。

乾坤生意云兼身柱肺俞膏肓治虛損五勞七

傷。

百證賦云兼中膺俞治歲熱時行。

一傳此穴善退骨蒸之熱。

大椎

一名百勞

在第一椎上陷者中。一日平肩。○手

足三陽督脉之會。○刺五分。留五呼。灸五壯。一

云以年為壯。○大椎為骨會骨病者可灸之。

主治五勞七傷乏力風勞食氣瘧瘧久不愈肺

脹脇滿嘔吐上氣背膊拘急項頸強不得回

顧。○一云能寫胃中之熱及諸熱氣若灸寒

熱之法先大椎次長強以年為壯數。○一云

治身痛寒熱風氣痛。○一云治衄血不止。灸

二三十壯。斷根不發。

千金云。凡瘡有不可瘥者。從未發前。灸大椎至

發時。滿百壯。無不瘥。○又云。諸煩熱時。氣溫

病。灸大椎百壯。刺三分。寫之。○又治氣短不

語。灸隨年壯。○又治頸癭。灸百壯。及大椎兩

邊。相去各一寸半。少垂下各三十壯。灸之。

玉龍賦云。百勞止虛汗。

大神農經云。治小兒急慢驚風。

實太師治諸虛寒熱。灸此。

捷徑云。治熱不至肩。

時傳以此治百病。

瘥門

一名瘥門。一名舌厭。一名舌橫。

在項後入髮際五分。宛宛

中。仰頭取之。○督脉陽維之會。入系舌本。○刺

二分。不可深。禁灸。灸之令人啞。

主治頸項強急不語。諸陽熱盛。衄血不止。脊強

反折。瘥癩癩疾。頭風疼痛。汗出。寒熱風瘥。

中風尸厥。暴死不省人事。

百證賦云。兼關衝。治舌緩不語。為緊要。

風府

一名舌本

在項上入髮際一寸。大筋內宛宛中。

疾言其肉立起。言休其肉立下。○督脉陽維之

會。○熱論曰。巨陽者。諸陽之屬也。其脉連於風

府。○刺三分。留三呼。禁灸。灸則令人瘖。

主治中風舌緩。暴瘖不語。振寒汗出。身重偏風

半身不遂。傷風頭痛項急。不得回顧。目眩反

視。鼻衄咽痛。狂走悲恐驚悸。欲自殺。○一云

主寫胃中之熱。與大杼缺盆中府同。

席弘賦云。風府風池。尋得到。傷寒百病一時消。

○又云陽明二日尋風府。○又云從來風府

最難尋。須用功夫度淺深。倘若膀胱氣未散。

更宜三里穴中尋。

通玄賦云。風傷項急。求風府。

一傳治感冒風寒嘔吐不止。

千金云。邪病臥冥冥不自知。風府主之。○又十

三鬼穴云。此名鬼枕。治百邪癩狂。當在第六

次下鍼。

腦戶

一名匝風。一名會額。一名合顛。

在枕骨上。強間後一寸五

分。一曰在髮際上二寸。○督脉足太陽之會。○

禁刺灸。刺中腦戶。入腦立死。亦不可灸。令人瘖。

強間一名大羽。在後頂後一寸五分。○刺二分。灸五

壯。一曰禁灸。

主治頭痛項強。目眩腦旋。煩心嘔吐涎沫。狂走。

百證賦云。兼豐隆治頭痛難禁。

後頂一名交衝。在百會後一寸五分。枕骨上。○刺二

分。灸五壯。

主治頸項強急。額顙上痛。偏頭痛。惡風目眩不

明。

百會一名三陽五會。一名巔上。一名天滿。。在前頂後一寸五分。頂

中央旋毛心。容豆許。直兩耳尖。上對是穴。○督

脉足太陽之會。手足少陽足厥陰俱會於此。○

刺二分。灸五壯。甲乙經曰。刺三分。灸三壯。一曰

灸頭頂不得過七七壯。

主治頭風頭痛。耳聾鼻塞鼻衄。中風言語蹇滯。

口噤不開。或多悲哭。偏風半身不遂。風癱卒

厥。角弓反張。吐沫心神恍惚。驚悸健忘。痰瘧。

女人血風胎前產後風疾。小兒風癩驚風。腕
 肛久不瘥。○一曰百病皆治。宜刺此二分。得
 氣即寫。若灸至百壯。停三五日後。遶四畔用
 三稜鍼出血。以井花水淋之。令氣宣通。否則
 恐火氣上壅。令人目暗。○一曰治悲笑欲死。
 四肢冷氣欲絕。身口溫。可鍼人中三分。灸百
 會三壯。即甦。

史記載扁鵲治號太子尸。糜鍼取三陽五會而
 甦。

神農經云。治頭風可灸三壯。小兒脫肛可灸三
 壯。至五壯。艾炷如小麥。

玉龍賦云。兼顙會。治卒暴中風。

靈光賦云。兼龜尾。治痢疾。

席弘賦云。小兒脫肛。患多時。先灸百會。後尾骶。

○又云。兼太衝。照海。陰交。治咽喉疾。

前頂。在顙會後一寸五分。骨陷中。一云在百會

前一寸。○刺二分。灸五壯。一曰灸七七壯。

主治頭風目眩。面赤腫。小兒驚癇。瘰癧。鼻多清

涕。頸項腫痛。

神農經云。治小兒急慢驚風。可灸三壯。艾炷如

小麥。

百證賦云。兼水溝。治面腫虛浮。

顛會。在上星後一寸陷中。○刺二分。灸五壯。一

曰。灸二七至七七壯。○小兒八歲以前。禁鍼。蓋

其顛門未合。刺之不幸。令人夭。

主治腦虛冷痛。頭風腫痛。項痛。飲酒過多。頭皮

腫。風癩清涕。○一云。治目眩面腫。鼻塞不聞

香臭。驚癇戴目。昏不識人。可灸二七壯。至七

七壯。初灸即不痛。病去即痛。痛即罷灸。若是

鼻塞。灸至四日漸退。七日頓愈。鍼入二分。留

三呼。得氣即寫。頭風生白屑多睡。鍼之彌佳。

鍼訖。以末鹽生麻油相和。指髮根下。即頭風

永除。

神農經云。治頭風疼痛。可灸三壯。小兒急慢驚

風。灸三壯。炷如小麥。

千金云。邪病鬼癩。凶上主之。一名鬼門。

玉龍賦云兼百會治卒暴中風。

百證賦云連玉枕療頭風。

上星一名神堂

在鼻直上入髮際一寸陷者中可容

豆。○刺三分留六呼。灸五壯。一云宜三稜鍼出血以寫諸陽熱氣。

主治頭風頭痛。頭皮腫。面虛惡寒。瘧瘧寒熱汗不出。鼻血臭涕。鼻塞不聞香臭。目眩睛痛。不能遠視。以細三稜鍼刺之。即宣泄諸陽熱氣。無令上衝頭目。

千金云鼻中息肉灸二百壯。○又云兼大椎灸

瘡。至發時令滿百壯。炷如黍米。○又治鬼魅

灸百壯。○又十三鬼穴此名鬼堂。主百邪癩

狂。當在第十次下鍼。

玉龍賦云治頭風鼻淵。

神庭 直鼻上入髮際五分。髮高者髮際是穴。髮

低者加二三分。○督脉足太陽陽明之會。○灸

三壯。禁刺。刺之令人癩狂目失明。一曰灸七壯

至三七壯止。

主治發狂登高妄走。風癩癩疾。角弓反張。目上視不識人。頭風鼻淵流涕不止。頭痛目淚。煩滿喘喝。驚悸不得安寢。

玉龍賦云專理頭風。

素膠一名面王

在鼻端準頭。○刺一分。禁灸。

主治鼻中瘕肉不消。喘息不利。多涕。啞僻衄血。一日治酒酢風。用三稜鍼出血。

水溝一名人中

在鼻下人中陷中。○督脉手足陽明

之會。○刺三分。留六呼。得氣即寫。灸三壯至七

壯。炷如小麥。然灸不及鍼。

主治中風口噤。牙關不開。卒中惡邪。鬼擊不省

人事。癩癩卒倒。消渴多飲。水氣遍身浮腫。瘟

疫。口眼喎僻。俱宜刺之。若風水面腫。鍼此一

穴。出水盡即頓愈。○一云水氣腫病。但宜鍼

此三分。徐徐出之。以泄水氣。若鍼他穴。水盡

則死。

神農經云。治小兒急慢驚風。可灸三壯。炷如小

麥。

玉龍賦云兼曲池穴治痿仆。○又云兼委中穴治腰脊閃痛。○又云合大陵頻寫之。全除口氣。

席弘賦云人中治癩功最高。十三鬼穴不須鏡。千金云此穴為鬼市。治百邪癩狂。此當在第一。次下鍼。凡人中惡。先掐鼻下是也。鬼擊卒死者。須即灸之。

百證賦云兼前頂治面腫虛浮。靈光賦云水溝兼間使治邪癩。

兌端 在上脣端。○甲乙經曰手陽明脉氣所發。

○刺二分。留六呼。灸三壯。炷如大麥。

主治癩癩吐沫。齒齲痛。消渴衄血。口噤。口瘡。臭穢不可近。

百證賦云小便赤澀。兌端獨寫大陽經。

斷交

斷音銀
齒根肉

在脣內上齒縫中。○任督二經之

會。○刺三分。逆刺之。灸三壯。

主治面赤心煩痛。鼻生瘰肉不消。頭額中瘰。頰項強。目淚多眵。赤痛。牙疳腫痛。小兒面瘡。火

癰不除點烙亦佳。

百證賦云專治鼻痔。

會... 三... 灸...

... 灸... 灸...

... 灸... 灸...

... 灸... 灸...

... 灸... 灸...

○... 灸... 灸...

... 灸... 灸...



